


PL
2451
T52
1654
v. 11



東文正統卷之十一

祁陽後學蒙吉刁 包編輯

伯子再濂校正

策

賢良策一

董仲舒

臣觀天人相與之際。甚可畏也。國家將有失道之敗。而天廼先出災害以譴告之。不知自省。又出怪異以警懼之。尚不知變。而傷敗廼至。以此見天心之仁愛人君。而欲止其亂也。自非大亡道之世者。天盡欲扶

疆勉所以

畏天

宣王中興
亦有鮮終
之嘆

持而全安之事在疆勉而已矣。疆勉學問則聞見博而知益明。疆勉行道則德日起而大有功。此皆可使還至而立有效者也。道者所繇適於治之路也。仁義禮樂皆其具也。故聖王已沒而子孫長久安寧數百歲。此皆禮樂教化之功也。夫人君莫不欲安存而惡危亡。然而政亂國危者甚衆。所任者非其人而所繇者非其道。是以政日以仆滅也。夫周道衰於幽厲。非道亡也。幽厲不繇也。至於宣王思昔先王之德興滯補敝。明文武之功業。周道粲然復興。上天祐之爲生

法天道
明陰陽之
理

賢佐後世稱誦至今不絕此夙夜不懈行善之所致也故治亂廢興在於已非天降命不可反也臣聞命者天之令也性者生之質也情者人之欲也堯舜行德則民仁壽桀紂行暴則民鄙夭治亂之所生故不齊也王者欲有所爲宜求其端於天天道之大者在陰陽陽爲德陰爲刑刑主殺而德主生是故陽常居大夏而以生育長養爲事陰常居大冬而積於空虛不用之處以此見天之任德不任刑也王者承天意以從事故任德教而不任刑也今廢先王德教之官

非學有本
源不能以
此告君

逐其欲利
之心乃可

其。文。正。集。卷。之。一。
獨任執法之吏。而欲德教之被四海難矣。爲人君者。
正。心。以。正。朝。廷。正。朝。廷。以。正。百。官。正。百。官。以。正。萬。民。
正。萬。民。以。正。四。方。四。方。正。遠。近。莫。敢。不。壹。於。正。而。不。
有。邪。氣。奸。其。間。者。是。以。陰。陽。調。而。風。雨。時。羣。生。和。而。
萬。民。殖。諸。福。之。物。可。致。之。祥。莫。不。畢。至。而。王。道。終。矣。
今陛下貴爲天子。富有四海。行高而恩厚。知明而意。
美。愛。民。而。好。士。可。謂。誼。主。矣。然。而。天。地。未。應。而。美。祥。
莫。至。者。凡。以。教。化。不。立。而。萬。民。不。正。也。夫。萬。民。之。從。
利。如。水。之。走。下。不。以。教。化。隄。防。之。不。能。止。也。古。之。王。

受書

者莫不以教化爲大務。立太學以教於國。設庠序以化於邑。漸民以仁。摩民以誼。節民以禮。故其刑罰甚輕。而禁不犯者。教化行而習俗美也。聖王之繼亂世也。掃除其跡而悉去之。復修教化而崇起之。教化已明。習俗已成。子孫循之。行五六百歲。尚未敗也。至秦滅先聖之道。而專爲自恣苟簡之治。故立爲天子。十有四年而亡。然其遺毒餘烈。至今未滅。使習俗薄惡。人民頑嚚。雖欲善治之。亡可奈何。法出而姦生。令下而詐起。譬之琴瑟不調。甚者必解而更張之。乃可鼓

卷之三

也。爲政而不行。甚者必變而更化之。乃可理也。漢得天下以來。常欲治而至今不可善治者。失之於當更化而不更化也。

漢高入關卽云除秦苛法。豈知秦法之苛。至武帝時猶未除耶。此策以正心爲本。以教化爲先。最中武帝之失。尤最中漢之失。其如徒善其對而不能力行何哉。

賢良策二

董仲舒

意同首策
而其說益
暢

臣聞聖王之治天下也。必則習之學。長則材諸位。爵祿以養其德。刑罰以威其惡。故民曉於禮誼。而耻犯其上。武王行大誼。平殘賊。周公作禮樂以文之。至於成康。囹圄空虛。四十餘年。此教化之漸。而仁誼之流也。至秦則不然。師申韓之說。憎帝王之道。以貪狼爲俗。誅名而不察實。爲善者不必免。而犯惡者未必刑也。是以百官皆飾虛辭。而不顧實。外有事君之禮。內有背上之心。造僞飾詐。趨利無耻。是以刑者甚衆。死

志養之
數年而
後獲一旦
之用起辦
百前終苟
道也

者相望而姦不息。俗化使然也。今陛下并有天下。莫
不幸服。而功不加於百姓者。殆王心未加焉。魯子自
尊其所聞。則高明矣。行其所知。則光大矣。高明光大。
不在於它。在乎加之意而已。願陛下因用所聞。設誠
於內。而致行之。則三王何異哉。陛下夙寤晨興。務以
求賢。亦堯舜之用心也。而未云獲者。士不素厲也。夫
不素養士。而欲求賢。譬猶不琢玉而求文采也。故養
士莫大乎太學。太學者。賢士之所關也。教化之本原
也。願興太學。置明師。以養天下之士。數考問。以盡其

材則英才宜可得矣。郡守縣令民之師帥所使承流而宣化也。師帥不賢則主德不宜恩澤不流。今吏旣亡教訓於下。或不承用主上之法。暴虐百姓與姦爲市。貧窮孤弱。冤苦失職。甚不稱陛下之意。是以陰陽錯繆。氛氣充塞。羣生寡遂。黎民未濟也。夫長吏多出於郎中。中郎吏二千石。子弟選郎吏。又以富訾。未必賢也。且古所謂功者。以任官稱職爲差。非謂積日累久也。故小材雖累日。不離於小官。賢科雖未久。不害爲輔佐。是以有司竭力盡知。務治其業。而以赴功。今

不問才德
稱否而問
年例各賢
那有得人
之理
漢舉孝廉
猶爲近古

則不然。累日以取貴。積久以致官。是以廉耻。賢亂賢。不肖。混殺。未得其真也。臣愚以謂。使諸列侯郡守。各擇其吏民之賢者。歲貢各二人。以給宿衛。且以觀大臣之能。所貢賢者有賞。所貢不肖者有罰。夫如是。諸侯吏二千石。盡心於求賢。天下之士。可得而官使也。毋以日月爲功。實試賢能爲上。量材而授官。錄德而定位。則廉耻殊路。賢不肖異處矣。

周自棧樸作人而兎。且野夫皆堪于城腹心之選。武周繼厥志教化大行。一時俊又輩出。在宣王朝。

猶用之不盡豈後世人才之盛所可幾及哉迨王
迹旣熄學官鞠爲茂草而人才自此亦奄奄不振
矣漢興未能復古武帝頗號知人然所得者不過
文章詞賦之流其於董子要亦借之以光科名而
已初未可云知已也欲駕秦而追踪周室豈不難
哉

其文正統

卷之一

フ

賢良策三

董仲舒

於木義
四時莫詳
於木義

繁露書
於春秋無
所得果後
人偽為與

臣聞天者。群物之祖。故遍覆包函。而無所殊。聖人法
天而立道。亦溥愛而亡私。春者。天之所以生也。仁者
君之所以愛也。夏者。天之所以長也。德者。君之所以
養也。霜者。天之所以殺也。刑者。君之所以罰也。孔子
作春秋。上揆之天道。下質諸人情。參之於古。考之於
今。故春秋之所譏。災害之所加也。春秋之所惡。怪異
之所施也。書邦家之過。兼災異之變。以此見人之所
為。其美惡之極。乃與天地流通。而往來相應。此亦言

天之一端也。天令之謂命。命非聖人不行。質樸之謂性。性非教化不成。人欲之謂情。情非制度不節。是故王者上謹於承天意以順命也。下務明教化民以成性也。正法度之宜。別上下之序。以防欲也。修此三者而大本舉矣。人受命於天。固超然異於群生。人有父子兄弟之親。出有君臣上下之誼。會遇相聚。有耆老長幼之施。粲然有文以相接。騷然有思以相愛。故孔子曰。天地之性。人爲貴。明於天性。知自貴於物。然後知仁誼。知仁誼。然後重禮節。重禮節。然後安處。善安。

子思子
而後言性
性雖見諸

處善然後樂循理。樂循理然後謂之君子。臣又聞之。
衆少成多。積小致鉅。故聖人莫不以臈致明。以微致
顯。是以堯發於諸侯。舜興序深山。非一日而顯也。蓋
有漸以致之矣。言出於已。不可塞也。行發於身。不可
掩也。言行治之大者。君子之所以動天地也。故盡小
者大。慎微者著。積善在身。猶長日加益。而人不知也。
積惡在身。猶火銷膏。而人不見也。此唐虞之所以得
令名。而桀紂之可爲悼懼者也。夫樂而不亂。復而不
厭者。謂之道。道者。萬世不敝。敝者。道之失也。先王之

開國語

道必有偏而不起之處。故政有眊而不行。舉其偏者以補其敝而已矣。三王之道。所祖不同。非其相反。將以挾溢扶衰。所遭之變然也。故王者有改制之名。示變道之實。夏尚忠。殷尚敬。周尚文者。所繼之挾當用此也。道之大原出於天。天不變道亦不變。是以禹繼舜。舜繼堯。三聖相授而守一道。亡挾敝之政也。祿是觀之。繼治世者其道同。繼亂世者其道變。今漢繼大亂之後。若宜少損周之文。致用夏之忠者。夫古之天下。亦今之天下。共是天下。以古準今。豈何不相逮之

老儀言
馬乘章引
此

達也。意者有所失於古之道與有所詭於天之理與。
夫天亦有所分予。予之齒者。去其角。傅之翼者。兩其
足。是所受大者。不得取小也。古之所予祿者。不食於
力。不勤於末。與天同意者也。夫已受大。又取小。天不
能足。而況人乎。此民之所以囂囂苦不足也。身寵而
載高位。家溫而食厚祿。日乘富貴之資。力以與民爭
利於下。民安能如之哉。民日削月朘。寢以大窮。富者
奢侈。美溢。貧者窮急愁苦。民不樂生。安能避罪。此刑
罰之所以煩。而姦邪不可勝者也。天子大夫者。下民

之所視倣。遠方之所四面而內望也。豈可以居賢人之位。而爲庶人行哉。夫皇皇求財利。常恐乏匱者。庶人之意也。皇皇求仁義。常恐不能化民者。大夫之意也。若居君子之位。當君子之行。則舍公儀休之相魯。無可爲者矣。春秋大一統者。天地之常經。古今之通誼也。今師異道。人異論。百家殊方。指意不同。是以上無以持一統。法制數變。下不知所守。臣愚以爲諸不在六藝之科。孔子之術者。皆絕其道。勿使並進邪辟之說。滅息然後統紀可一。而法度可明。民知所從矣。

此與退之
原道堯以
是傳舜等
語同屬獨
得

秦漢間學者或治申韓之學或攻蘇張之術六經
語孟幾何而不夷於百家諸子也廣川對大廷獨
謂道之大原出於天只此一語透胸達背全體靈
通而又崇正黜邪諸不在六藝之科孔子之術者
皆絕其道勿使並進此豈秦漢間學者能道隻字
哉厥後知道如韓公居然以孔墨併稱以臧孫孟
軻併列況其他乎我故曰孔孟而後程朱而前不
雜者董子一人而已

當年有賈董之稱賈生治安策川至泉湧非不灑

灑動人然未免有發揚蹈厲之氣玩董子三策平
正雅馴粹然儒者之言在理學中應爲特置一席
何洛陽少年之敢望也此無他賈以才勝董以養
勝故其形之筆舌者若是乎淺深厚薄之不同耳

廷試策

羅倫

珠璣錯落
以心學
字貴之

臣對。臣聞居天下之大位。必致天下之大治。致天下
之大治。必正天下之大本。正天下之大本。必務天下
之大學。堯舜禹湯文武之位。天下之大位也。堯舜禹
湯文武之治。天下之大治也。堯舜禹湯文武之心。天
下之大本也。堯舜禹湯文武之學。天下之大學也。有
其學。然後能正其心。有其心。然後能致其治。有其治。
然後能保其位。治也者。帝王保位之良圖。心也者。帝
王出治之大本。學也者。又帝王正心之要道也。古先

能自得師
者三帝亦

然

有君矣而
無臣有臣
矣而無君
奈何

聖王知其然是以堯學於君疇。舜學於務成。昭。禹學
於西王國。湯學於成子伯。文王學於鉸時子。武王學
於號叔。其所以精一此學。維持此心者。無不至也。故
德澤加於當時。名聲垂於後世。功高天下。名並日月。
而不可及。自漢而唐。自唐而宋。其間英君。誼辟。非不
欲致治。如唐虞三代。志士仁人。非不欲致君爲二帝
三王。然寥寥千載。未有一二庶幾乎此者。或君有可
學之資。有欲學之志。而不遇其臣。如高祖之於蕭曹。
太宗之於房杜。神宗之於安石。是非其君之罪也。或

有匡國之才有格君之學而不遇其君如賈董之
於漢陸贄之於唐二程朱子之於宋是非其臣之罪
也此君臣相遇自古以爲難而有志之士所以扼腕
憤嘆而不能自已也此漢所以止於漢唐所以止於
唐宋所以止於宋而不能唐虞三代者此也臣每見
前史見君有向學慕道之心而臣不能成之則悲其
爲臣臣有匡國致君之學而君不能用之則悲其爲
君陛下繼祖宗列聖之位卽堯舜禹湯文武之位也
稟天縱聰明之資卽堯舜禹湯文武之資也治已至

敘題

黜心字

非堯舜禹
湯文武之
道不敢陳
於前

黜學字

其文正統卷之二
矣。猶以爲未至。德已盛矣。猶以爲未盛。廼萬機之暇。
進臣等於廷。降賜清問。首詢唐虞三代。下逮漢唐宋。
諸君。惓惓欲正大綱。舉萬目。以明人倫。以厚風俗。以
富庶百姓。以賓服夷狄。以增光祖宗。匹休帝王。臣有
以知陛下此心。卽堯舜禹湯文武之心也。陛下之有
此心。非特臣之幸也。寔宗廟社稷之幸。天下生靈之
幸也。臣敢不以堯舜禹湯文武之所學者。爲陛下勉
哉。昔范祖禹上帝學八卷。以爲自古治日常少。亂日
常多。推原其故。繇人主不學也。朱熹將入對。或曰。正

無應

無用重了

語而發明

獨評

心誠意之學。上所厭聞。熹曰。某平生所學。在此。若有
所回護。是欺君也。陛下有志於唐虞三代之治。而無
漢唐宋諸君之失。固無不學之心。亦非厭聞正心誠
意之說者。臣敢不以平生之所學者。告陛下。而自陷
於欺君之罪哉。使愚臣於此。犬馬之誠。有未盡。芻蕘
之言。有或隱。上負朝廷。下負所學。臣恐後之悲。今者
無異於今之悲。昔也。臣請因聖問而畢言之。陛下誠
垂聽焉。臣聞道之大原。出於天。是道也。極於至太而
無外。入於至小而無內。語其大也。則爲父子。爲君臣。

發真綱字

發明目字

點心字

爲夫婦。爲長幼朋友之倫。若網之有綱。所以根柢乎人心。紀綱乎世道。乃天地之常經。所謂爲治之大綱也。語其小也。則爲禮樂。爲刑政。爲制度文爲之具。若綱之有目。所以扶植乎三綱經緯乎國體。乃古今之通誼。所謂爲治之萬目也。是道之綱。非吾心主宰之則無自而正。是道之目。非吾心維持之則無自而舉。此心也者。又所以主於身而爲正大綱舉萬目之根本也。心雖主宰乎是綱。非學則有所惑。綱何從而正。心雖維持乎是目。非學則有所蔽。目何從而舉。此學

堯之大綱

正

舜之大綱

正

也者又所以正其心而爲正大綱舉萬目之根本也
大綱不正固不可以言治萬目不舉亦非盡善之道
也故古昔帝王之治其道雖多端然必大綱旣正而
萬目兼舉若堯之肇唐舜之起虞禹之剝夏湯之建
商文武之造周皆不能外乎此也在堯之時親睦九
族以廣愛敬之恩釐降二女以正閨門之禮館甥二
室以厚朋友之倫堯之大綱無不正也在舜之時底
豫瞽叟而父子之位定克諧傲象而兄弟之化成刑
于二女而閨門之儀肅舜之大綱無不正也欽若昊

全用壁經

堯之萬日

舉

舜之萬日

歸本到心

天敬授人時。命羲和以秩東作。命羲叔以秩南訛。命和仲以平西成。命和叔以在朔易。命鯀以治洪水。命四岳以明揚側陋。允釐百工。咸熙庶績。萬日之舉於堯何如也。察幾衡以齊七政。舉祀禮而朝諸侯。命四嶽以明四目。達四聰。命十二牧以修內治。服遠人。命禹以宅百揆。命契以敷五教。命皋陶以明五刑。命伯夷后夔以作禮樂。命龍作納言。四方風動。庶政惟和。萬日之舉於舜何如也。唐虞之大綱無不正。萬日無不舉。如此豈徒然乎。本於堯舜之心。惟務大學以正。

歸本到學
註

禹湯之六

獨正

文武之大

綱正

間用毛詩

昌湯文武
之子孫大
綱正

其大本也。不實滯洩。不視玩好。而允執其中。堯之學也。周遊於佚。罔滯於樂。而允迪厥德。舜之學也。使唐虞之君。不事乎此。則學有未至。而大本不立矣。綱何自而正。目何自而舉哉。其在禹也。典常之率。繇。彛。倫。之攸叙。其在湯也。舊服之載。績。人。紀。之肇修。其在文武也。麟趾以厚公族。棠棣以燕兄弟。鹿鳴以饗群臣。樛。木。思。齊。以嚴閭教。故其子孫。或敬承繼禹之道。或布德服禹之跡。或率乃祖攸行。或鑒先王成憲。或篤叙正父。或對揚光命。或率德以益前人之愆。或脫簪

三代之萬
目舉

歸本到心

以輔中興之治。此三代之所以正大綱也。其養民也。夏以貢。商以助。周以徹焉。其教民也。夏曰較。殷曰序。周曰庠焉。其制刑也。夏有禹刑。殷有湯刑。周訓祥刑焉。其建官也。夏商官倍。亦克用乂。周人六典。臣成兆民焉。其作樂也。禹作大夏。湯作大濩。武作大武焉。其正朔也。夏建寅。商建丑。周建子焉。其習尚也。夏尚忠。商尚質。周尚文焉。三代之大綱無不正。萬目無不舉。如此。豈徒然乎。本於禹湯文武之心。惟務大學以正其大本也。祇台德先。不自滿假。懋昭大德。不邇聲色。

歸本到學

三

總結

無學字

發喪戮叛

五霸假之

也

禹湯之學也。不盤遊田。緝熙敬止。不作無益。克慎明德。文武之學也。使禹湯文武。不從事乎此。則學有未至。而大本不立矣。綱何自而正。目何自而舉哉。此堯舜禹湯文武。惟能務天下之大學。以正天下之大本。所以能致天下之大治。三代而下。漢唐宋諸君。雖有天下之大位。而不能務天下之大學。所以天下之大治。卒不能致也。漢就高祖言之。如發義帝之喪。戮丁公之叛。庶乎明君臣之義。高四皓之名。割肌膚之愛。庶乎全父子之恩。立白馬之盟。定同姓之封。庶乎廣

臣之惡

至於武氏

大婦之綱

何在

大抵皆

秦舊

綱二步

昆弟之愛。故繼世之君。子不敢叛其父。弟不敢制其兄。婦不敢駕其夫。臣不敢專其君。豈不繇高祖之作則哉。此其大綱可謂正也。然其養民也。吁咷之壞未久。而井田之制不復。其教民也。坑焚之禍未久。而學較之制不復。郡縣之設未久。而封建之制不復。五禮六樂之廢未久。而禮樂之制不復。此其萬目未盡舉也。況兄弟不容兆於羹鬲之錫。封夫人同席兆於威姬之見。寵大將見殺兆於韓彭之菹醢。先儒謂漢大綱正。以臣觀之。漢之大綱亦未能盡正。如唐虞三代。

歸本到不
聖

頗有可觀

也。漢非惟萬目未盡舉。而大綱亦未盡正。以其或不
事於詩書。或溺於黃老。或雜於刑名。或荒於土木。神
仙而聖學也。雜聖學。既雜。則大本不立。何怪其大綱
之未盡。正萬目之未盡舉哉。唐就太宗言之。脅父臣
虜。逼奪神器。父子之親何在。推及同氣。蹠血禁門。兄
弟之義何在。納巢刺妃。媚武才人。閨門之禮何在。故
繼世之君。子攝兵叛其父。臣攝兵叛其君。婦駕其夫。
兄戕其弟。豈不繇太宗之作俑哉。此其大綱可謂不
正也。然設府衛之法。彷彿古人寓兵於農之意。設覆

奏以審刑。彷彿古人欽卹之意。此則萬目可謂能舉也。然法令之行。比之先王。未純也。田疇之制。比之先王。未備也。學較之教。比之先王。未盛也。禮樂之具。比之先王。未修也。先儒謂唐萬目舉。以臣觀之。唐之萬目。亦未能盡舉。如唐虞三代也。唐非惟大綱不正。而萬目亦未盡舉。如此。以其或蔽於異端。或荒於遊畋。或錮於女色。或甘於小人。而聖學也。怠。聖學既怠。則大本不立。何怪其大綱之未盡。正萬目之未盡舉哉。宋就太祖言之。其厚兄弟也。金匱之書。千古不磨。神

差勝漢唐

器之重。一朝脫筵。其厚勲舊也。杯酒解柄。終全勲名。
雪夜再幸。不改殊恩。其待臣下也。鞭朴不行於殿陛。
罵辱不及於公卿。其嚴閭範也。內言不出於外。私恩
不害於公。故繼世之君。持盈守成。家庭之間。雖不能
匹休乎麟趾之盛也。而搃戈之事。則未聞閨門之內。
雖不能齊美乎闕雎之化也。而聚麀之耻。則未有。此
其大綱。亦云正也。然制度頗因五代之舊。不能復先
王之制。勸課農桑。美則美矣。視三代養民之制。何如。
修廣學校。盛則盛矣。視三代學校之制。何如。禮樂紛

濶畧開自

多端

進題一步

諸儒之喙。視三代制禮樂之遺意何如。兵財繇朝廷之制。視三代制兵財之遺法何如。以至職吏之戒不嚴。敗軍之法不立。設官之制太冗。任子之恩太濫。此其萬目。亦未盡舉也。先儒謂宋大綱亦正。萬目未盡舉。以臣觀之。黃袍加身。未免來人之公議。燭影避席。未免起人之疑心。德昭之死。未免不厭夫衆心。郭后之事。未免有疵於盛德。則宋之萬目固不舉矣。而其大綱亦豈盡正乎。宋之諸君。見於行事如此。雖曰夜分讀書。未免徒侈乎虛名。雖曰炎暑談經。未免不關

歸本到心
學上

教大綱

乎實踐。聖學既無其實。則大本不立矣。其大綱之未盡正。萬目之未盡舉。又何怪其然哉。漢唐宋所以不能致唐虞三代之治。皆繇大學不講。大本不立故也。我太祖高皇帝。龍飛淮甸。混一區宇。心堯舜禹湯文武之心。而大本以立。學堯舜禹湯文武之學。而大學以明。故以其大綱之正言之。觀其祭畢便殿。泣下不止。遣祭皇陵。哀感不勝。則我太祖之聖孝。一虞舜之大孝。周武王之達孝也。觀其剖符錫壤。建封諸王。上衛國家。下安生民。則我太祖之親睦。一虞舜之敦叙。

斯文正統

卷之七

七

九族周武王之時庸展親也。觀其君臣同遊之言。則與唐虞之都兪吁咈。商周之左右篤棐。同一揆也。觀其申明五常之誥。則與唐虞之敦典庸禮。商周之建中建極。同一揆也。大綱之正。有不如唐虞三代者乎。以萬目之舉言之。則法井給民之言。互知丁業之戒。與古人重農之意。相出入也。學校教民之制。鄉飲勵俗之禮。與古人立教之意。相表裏也。內設六卿。以摠治天下。外設布政司。以分理郡邑。內設都察院。以肅朝廷之紀綱。外設按察司。以爲四方之耳目。則其制

歸到心
學上

官之意。庶幾乎古人六卿九牧相倡和也。兵部帥府相繼於內。而將帥無偏重之勢。布按都司相制於外。而藩鎮無專恣之患。則其制兵之意。庶幾乎古人司徒司馬相統屬也。命牛諒以制禮。則斟酌先王之典。以還中國之舊。命陶凱以制樂。則務宣和平之意。而屏褻狎之習。萬目之舉。有不如唐虞三代者乎。列聖相承。心太祖之心。學太祖之學。聖德日新。而無不正之綱。聖化日廣。而無不舉之具。然法久則弊自生。世久則俗自降。故人倫有不明。風俗有不厚。而我祖宗

上
歸本到心

之綱目。漸以淪斃。百姓有不富。夷狄有不服。而我祖宗之綱目。漸以乖張。陛下嗣承大統。於茲三年。夙夜倦倦。惟此之慮。陛下此心。卽堯之兢兢。舜之業業。禹之孜孜。湯之慄慄。文王之翼翼。武王之無貳之心也。然自卽位以來。躬行大孝。以先天下。已有意於厚風俗。而風俗至今猶未厚。躬耕籍田。蠲免租稅。已有意於富庶百姓。而百姓至今猶未富庶。簡練將帥。嚴飭邊備。已有意於賓服夷狄。而夷狄至今猶未賓服。陛下有堯舜禹湯文武之心。而不能致堯舜禹湯文武

之治意者陛下於堯舜禹湯文武之學有未至于何其心之倦倦而效之邈邈也臣請爲陛下熟言之以陛下望治之切求治之篤必憤發於中憂形於色而倦倦之誠益有所不能已也夫天下之事未有不行於上而行於朝廷者也未有不行於朝廷而行於天下者也以人倫言之今公卿大臣雖軒墀之內有霄壤之隔是非不及於面諭則腹心無所託而下情不得以上通可否惟出於內批則耳目有所蔽而上心不得以下究何有乎君臣相親之義也陛下誠能體

君臣之綱
不正

父子之綱
不正

兄弟之綱
不正

腹心手足之義。畧崇高貴重之勢。召見不時。咨訪非一。使願輸忠悃者。得以獻其誠。務爲蔽欺者。無以施其詐。則君臣之化。行於下。而無有不厚也。閭閻小民。忍心害理。生則私妻育子。別藉異財。曾夷狄之不如。死則食稻衣錦。火葬水瘞。曾禽獸之不若。何有乎父子相愛之恩也。陛下誠能望陵典哀慕之悲。慈養勤定省之誠。公卿守終制之典。士夫嚴匿服之禁。則父子之化。行於下。而無有不親也。陷形骸而分胡越。第或戕其兄。同門戶而設藩籬。幼或賊其長。何有乎兄

夫婦之綱
不正

朋友之綱
不正

第之愛也。陛下誠能厚同氣之恩。廣友于之愛。嚴犯上之律。敦敬長之風。則兄弟之化。行於下。而無有不愛也。妾媵無數。庶人僭公侯之分。婚娶論財。中華行夷虜之風。何有乎夫婦之道也。陛下誠能則關雎之化。正宮闈之禮。申明婚嫁之式。定著妾媵之數。則夫婦之化。行於下。而無有不正也。所貪者利祿。誰同心而相濟。所附者權勢。誰同道而相益。落井下石者。紛如。貽書爭諫者。寂若。何有乎朋友之交也。陛下誠能親君子之朋。遠小人之黨。燭擠陷之奸。獎協恭之正。

則朋友之化行於下。而無有不善也。人倫之明自於上。非務學不能知。臣願陛下惓惓聖學。以正大本。急求所以明倫之道。則人倫庶乎可明。無異於唐虞三代也。以風俗言之。朱扉一開。燕鵲駢集。諛佞詭隨者。名之曰變通。緘默自便者。目之曰忠厚。直言正色者。非之曰矯激。持心操節者。刺之曰干名。此士夫之風喪也。陛下誠能塞奔競之門。杜諂諛之口。獎名節之士。張正直之氣。則士夫之風振矣。庶人帝服。倡優后飾。雕梁畫棟。惟恐其不華。珍饈綺食。惟恐其不豐。錦

專憑文藝
安得有實
才實行

佛老之道
不為孔子
之道不著

綉金王。惟恐其不多。姝色麗音。惟恐其不足。此奢侈
之風盛也。陛下誠能躬節儉之實。抑浮靡之費。重儲
踰之罪。定上下之等。則奢侈之風降矣。典學較之教
者。尸虛位而無實行。繇科貢之途者。飾虛譽而乏實
才。此學較之風衰也。陛下誠能重師儒之任。使無實
行者。不得以濫叨嚴科貢之選。使無實才者。不得以
幸進。則學較之風興矣。珠宮梵宇。照耀雲漢。髡首黃
冠。充斥道路。此道佛之風熾也。陛下誠能監梁武求
宗之失。斥禍福報應之論。惟崇乎正道。毋惑於邪說。

尊之爲神
呼之爲兄
所以也

歸本到學

則道佛之風熄矣。苞苴一入。賤可使貴。賄賂一通。滯
可使達。黷貨載歸。里閭稱慶。琴鶴自隨。妻子怨讟。此
貪黷之風盛也。陛下誠能綜覈名實。督行勸懲。廉介
者。必彰而無隱。貪墨者。必誅而無赦。則貪黷之風止
矣。風俗之厚。自於上。非務學不能知。臣願陛下惓惓
聖學。以正大本。急求所以厚風俗之道。則風俗庶乎
可厚。無異於唐虞三代也。以言乎百姓之失所。則徵
求極於錙銖。而湍卮於寵倖之費。苛歛至於毛髮。而
尾閭於異端之奉。此吾民之困於賦歛者。可恤也。征

舸貢艦。動連千夫。工匠輿臺。延及數戶。此吾民之困
於征徭者。可恤也。田連阡陌。利累羊羔。家雞圈豕。惟
其所啖。此吾民之困於豪冢巨室者。可恤也。囊帛篋
金。飫鮮醉醲。市虎門妖。恣其所欲。此吾民之困於貪
官黠胥者。可恤也。劫掠踐蹂。雞犬一空。脅持抑逼。肝
腦塗地。此吾民之困於兵戈盜賊者。可恤也。父食其
子。夫鬻其妻。壯者散於四方。老稚轉乎溝壑。此吾民
之困於飢饉流離者。可恤也。百姓之失所。固可恤矣。
然恤之有其道焉。大要在於重守令。急務在於節財。

有志之士
每恨不得

爲牧守以
其親民故

也

澤家宰

澤家宰

賦。守令者。民之父母。守令不重。則好民之所惡。惡民之所好。豪猾繇此而橫。盜賊繇此而起。財用者。民之命脉。財用不節。則以一而科百。因十而歛千。賦歛繇此而苛。征徭繇此而濫。欲重守令。在於慎選科貢。䟽理胥監。嚴勵風紀。精立銓法。欲節財賦。在於簡閱軍士。沙汰冗官。杜抑私愛。斥絕異端。科貢既慎。則專圖僥倖者。不得以幸進。胥監既理。則苟延歲月者。不得以幸選。風紀既嚴。則貪濁有狀者。不得以幸免。銓法既精。則文理不達者。不得以幸用。政績不聞者。不得

以幸遷而守令自重矣。軍士既閱則老弱無能者不
得以幸食。冗官既汰則備員充位者。不得以幸祿。私
愛既杜則貴戚近習之屬。不得以幸賜。異端既斥則
佛老邪怪之徒。不得以幸干。而財用自節矣。何患百
姓之不富庶哉。百姓之富庶。自於上。非務學不能知。
臣願陛下惓惓聖學。以正大本。急求所以富庶之道。
則百姓庶乎可富。而無異於唐虞三代也。以言乎夷
狄之梗化。則虜驕於北。羗黠於西。變詐之不測。侵掠
之不常。驅之不足於兵。守之不足於食。此西北之夷。

處處蠢動
可爲寒心

類方上卷之二十一

二十一

明主安內
數攘外

寇可慮也。阻山川以爲固。結流民以爲援。鬼出神沒。
蜂屯蟻聚。此荆襄之夷寇可慮也。丹崖千仞。青壁萬
重。攻之則據險。守之則廢時。此兩廣之夷寇可慮也。
團聚山砦。流俘鄉邑。我進則彼去。我退則彼來。此川
蜀之夷寇可慮也。夷狄之梗化。固可慮矣。然服之有
其道焉。大要在於修內治。布恩信。急務在於擇將帥。
足兵食。內治不修。則根本不固。恩信不立。則人心不
服。將帥非人。則敵人不畏。士卒不附。兵食不足。則士
氣不振。衆心不守。欲修內治。在於戒逸樂。足民用。任

三

上
歸本到學

君子退小人。欲布恩信。在於宥脇從綏降款。欲得將
帥。在於收人望。專委任。戒欺罔。欲足兵食。在於廣屯
田。增土兵。逸樂既絕。則主心日正。民用既足。則邦本
日固。君子既用。則群策日陳。小人既退。則奸弊日銷。
脇從既宥。則叛亂日懷。降款既綏。則歸附日衆。人望
既收。則將才日至。委任既專。則將士日奮。欺罔既戒。
則賞罰日明。屯田既廣。則儲蓄日富。土兵既增。則兵
力日振。何慮夷狄之不賓服哉。夷狄之賓服。自於上。
非務學不能。知臣願陛下惓惓聖學。以正大本。急求

又總結

又總結

所以賓服之道則夷狄庶乎可服而無異於唐虞三代也。嗟乎陛下惓惓於唐虞三代之治。而臣惓惓勉陛下以唐虞三代之學者。誠以大綱之未正。臣不憂也。人倫之不明。風俗之不厚。臣不憂也。百姓之未富。庶夷狄之不賓服。臣不憂也。臣所憂者。陛下之大本雖已正矣。或不能如堯舜禹湯文武之光明。陛下之大學雖已講矣。或不能如堯舜禹湯文武之精一。陛下繇臣之言。持惓惓圖治之心。致惓惓爲學之力。如堯舜如禹湯。如文武。則天理日明。人欲日消。妖艷之

色。淫。哇。之。聲。不。足。以。蕩。此。心。便。僻。側。媚。之。言。不。足。以。
盪。此。心。神。怪。佛。老。異。端。之。說。不。足。以。惑。此。心。沉。湎。荒。
淫。盤。遊。之。事。不。足。以。荒。此。心。華。麗。珍。怪。奇。玩。之。物。不。
足。以。侈。此。心。土。木。刑。名。征。伐。之。類。不。足。以。雜。此。心。而。
大。本。立。矣。大。本。既。立。繇。是。大。綱。可。正。萬。目。可。舉。人。倫。
繇。是。而。可。明。風。俗。繇。是。而。可。厚。百。姓。繇。是。而。可。富。庶。
夷。狄。繇。是。而。可。賓。服。薄。海。內。外。繇。是。而。可。熙。然。太。和。
宗。廟。繇。是。而。可。以。永。安。神。器。繇。是。而。可。以。永。保。聖。壽。
繇。是。而。可。以。永。延。祖。宗。列。聖。繇。是。而。可。以。增。光。一。帝。

三王。繇是而可以匹休。而漢唐宋諸君。不足以望陛下之下風也。若大本不立。則雖疲精憊神。以求正夫大綱。舉夫萬目。以遂數者之效。而快陛下之心。亦將徒爲文具。而天下之事。無一可爲者矣。此臣所以欲

上
讀本列學

實發學字

陛下從事於學也。然臣之所謂學者。非稽同合異。以爲博也。非鈞深致遠。以爲奇也。非綱章繪句。以爲美也。臣之所謂學者。卽大學之道也。是學也。卽堯舜禹湯文武之所學者也。其目有八。而各有其要。平天下。治國。齊家之要。在於修身。修身之要。在於正心誠意。

左周所出
衍義

帝王之學
卽吾儒之
學誰謂與
經生異

正心誠意之要在於致知格物。宋儒衍繹其義以進告其君。齊家之要有四。曰。重妃匹。嚴內治。定國本。教戚屬。修身之要有二。曰。謹言行。正威儀。誠意正心之要有二。曰。崇敬畏。戒逸欲。格物致知之要有四。曰。明道術。辨人才。審治體。察人情。是書也。乃先聖之心法。萬古之元龜。制治之良圖。保邦之大道。陛下必惓惓於此。晝而誦之夜而思之。親近儒臣。質問疑義。毋徒事虛文。毋徒應故事。毋徒聞之於耳而不識之於心。毋徒聽之於人而不復之於已。毋徒能之於始而或

如此纔是
實實下手

忽之於終毋徒講之於百辟雲集之時而卽棄之於
宮闈深嚴之地毋以朝夕而有間毋以寒暑而有輟
或摘其要語而列之屏幃或參以祖訓而銘之座右
考之於經證之於史如某事也古人以之而治以之
而安以之而興以之而壽卽惕然以省曰吾今日之
所行有合於此者乎如某事也古人以之而亂以之
而危以之而亡以之而夭卽惕然以省曰吾今日之
所爲有類於此者乎念念在此此念之外無它念事
事在此此事之外無他事如是然後可謂之惓惓也

惡字

又惡字

如是然後所存必正念所出必正言所行必正道所親必正人如是然後身無有不修家無有不齊國無有不治天下無有不平也嗟乎人主之心未嘗不好治而惡亂也好安而惡危也好盛而惡衰也好壽而惡夭也然治常少亂常多安常少危常多盛常少衰常多壽常少夭常多往往違其所好蹈其所惡夫豈其本心哉以不能惓惓於學而陷於不知故也如人之療病未嘗不欲其生而卒至於死者亦豈其本心哉以方書不熟而用藥不精故也方今天下之勢如

合峰面
宋國其
可乎

人受病。非不愕然且大形猶人也。內自心腹五臟。外
達四肢百骸。無一毛一髮不受病者。識者以爲寒心。
而庸醫委之曰。安病者不悟其非。和之曰。吾無病也。
昔扁鵲見齊桓侯曰。君有疾。不治將深。桓侯曰。寡人
無疾。如是者三。扁鵲望見桓侯而走。後五日。桓侯病
作。召扁鵲。扁鵲已逃去。臣願陛下以本心爲元氣。以
賢臣爲明醫。以古聖賢經史。祖宗寶訓所載之言爲
古方。爲藥石。惧病之將深。而預治之。信任明醫。熟閱
古方。深察脉理。精擇藥石。即嗜慾。慎防護。日調理其

又總結

又總結

元氣急求病根之所在。而剷除之。則元氣自固於內。邪氣不攻於外。則百病自消。天年自固。何憂壽不如堯舜。不如禹湯。不如文武者乎。及今猶可爲也。及今不爲。臣恐扁鵲望之而走矣。雖啞臍無及也。唐虞三代。與我祖宗列聖之大綱。無不正。萬日無不舉。元氣本固。客邪難入。病無自而生也。漢唐宋之。或大綱正。而萬目不舉。或萬目舉。而大綱不正。元氣未固。客邪易入。隨病而施藥者也。自唐虞而三代。自三代而漢唐宋。用是道則治。不用是道則亂。用是道則安。不用

周易之言
以結心字用
董子之言
結學字

是道則危。用是道則盛。不用是道則衰。用是道則壽。
不用是道則夭。用是道則延長。不用是道則短促。然
則是道也。乃世道治亂之所繫也。社稷安危之所關
也。風化盛衰之所繇也。人主夭壽之所本也。國祚長
短之所在也。陛下可不大儆於心乎。易曰。正其心。萬
事理。差之毫釐。繆以千里。董仲舒告武帝曰。尊其所
聞。則光明矣。行其所知。則高大矣。高大光明。不在乎
他。惟在乎加之意而已。臣願陛下加意於臣之言。毋
如武帝。不加意於仲舒之言也。蘇軾對仁宗曰。天下

言者丘

聽者鴻毛

言者丘

聽者鴻毛

無事則公卿之言輕如鴻毛。天下有事則匹夫之言重如丘山。今天下不可謂無事矣。臣願陛下不視臣言如鴻毛。而視臣言如丘山。則天下幸甚。生民幸甚。臣俯拾芻蕘。上塵天聽。不勝戰慄之至。臣謹對。

頃刻間萬言立就如江河傾倒汪洋浩瀚莫能窺其涯際而支分派別井井不亂其天造地設乎其神運鬼輸乎其淮陰之將兵多多益善乎噫文章之大觀止矣

自制科來及第者未易更僕數然而傳其人併傳

其文者指蓋不多屈也此策通達似賈太傅而養
過之醇正似董廣川而才過之懇切似陸宣公而
學過之擅諸子之長合群儒之粹自古廷對者當
推爲第一

漢武策士得一代大儒爲之首說者深幸得人而
重惜武帝之不究其用也然天人三策彷彿大段
耳未能窺見全體也何若文毅之對本諸孔孟程
朱歸諸堯舜禹湯文武繇其道雖流唐漂虞滌殷
盪周可也豈特與漢唐宋比隆已哉柰何徒博一

日之功名未樹千秋之事業從來君臣遇合之難
如此哉

扶植綱常一疏與此策相爲表裏可謂不食其言
矣文達賢相不聞受盡言劾劉珙富弼故事反因
而下石焉有愧文潞公多矣

學者役役於八股之業日思對大庭而不知萬言
策爲何物特錄此篇作第一人榜樣然必如是而
後稱第一人則亦可以寢學者幾倖之心矣

其
子
弟

子
弟

三

正朝廷疏

丘濬

開口引君
實正其
鴻

臣按哲宗臨政。召司馬光於洛。問光所先者。光首上
一疏。且以爲治安之原。太平之基。在此。臣竊以爲光
之此疏。實萬世人君所當知者也。臣嘗因是而通論
之。言者心之聲也。人心有所蘊。必假言以發之。帝王
莫如堯舜。以言爲試人之則。聖賢莫如孔子。以言爲
知人之本。言之所關係。其大有如此者。是以自古帝
王。旣自謹其所言。尤必求人之言。以爲己鑑。聞則拜
之。聽則納之。卑辭以誘之。厚禮以招之。多方以求之。

說朝廷求

博問以禮之和顏悅色以受之大心宏度以容之或
爲之科目如所謂極言直諫者或爲之設官如所謂
拾遺補闕者或因災青而下詔以求或因患難而責
已以訪或爲輪對之制使人人得以自達或設登聞
之鼓俾事事得以上聞無非求天下之言以成天下
之治以通天下之情是以諫言而善者則立賞以勸
之傳曰興王賞諫臣是也當言不言者則制刑以威
之書曰臣下不匡其刑墨是也言雖過於訐直有所
不堪忍者亦容以受之而不加之以罪史曰殺諫臣

書曰如問
則裕自用
則小又曰
能自得師
者王謂人
其若者
其若此意

者其國必亡是也。夫如是則嘉言罔攸伏。若德之修
否。朝廷之闕失。臣下之賢佞。民生之休戚。皆因言以
達之於上。有以爲思患預防之計。而不至於噬臍無
及之悔。則天下國家永無危亡之患矣。昔晉平公問
於叔向曰。國家之患孰爲大。對曰。大臣持祿而不及
諫。小臣畏罪而不敢言。下情不能上通。此患之大者。
於乎患而謂之大。豈非言路不通。其患必至于危亡
也哉。是故天下之患莫大於人君處危亡之地。而不
日知。人臣知危亡之禍。而不敢言。爲人上者誠能廣

陳言之路弘。容言之量。言之善者有賞。言之非者無罪。當言而不言者有罰。則大臣不至持祿。小臣不至畏罪。而下情上通矣。天下國家。又豈有危亡之禍哉。故曰。治安之原。太平之基。在此。伏惟聖明留意。

君門遠於萬里。非虛懷延訪。委曲以盡下情。則指鹿爲馬者至矣。故人主之患。莫大乎自用。自用則拒諫。拒諫則飾非。飾非則用人行政之間。有顛倒錯繆而不自知者。自古英明之君。蹈危亡之禍。蓋坐此耳。瓊山疏深切著明。允爲治安之原。太平之

基凡爲人君者無問賢愚昏明皆當服膺此篇

三ノノノノノ

ノノノノノ

三

再論聖學疏

湛若水

篇者立人
達人其學
固亦如是

聖學之大莫過於求仁。仁者以人物爲一體。易曰君
子體仁。足以長人。曰近取諸身。今夫人之一身。主之
惟心思。調之惟元氣。運之惟股肱耳目。通之喘息呼
吸。惟喉舌。發之惟百體髮膚。故心思不宰則狂。元氣
不調則病。股肱耳目不運用則痿痺眩惑。喉舌不通
則呼吸不來。飲食不進。百體髮膚不潤。則不仁。是之
謂解體。五者有一焉。死亡且至。扁鵲所望之而走者
也。故夫人君者。猶身之有心也。三公論道。燮理陰陽。

猶身之元氣也。九卿百執事猶身之股肱耳目也。科
道言官猶身之喉舌也。天下兆姓猶身之百體髮膚
也。董仲舒曰：正心以正朝廷，正朝廷以正百官，正百
官以正萬民。其諸一體之義乎？今夫人之於身也，兼
所愛也，兼所養也。至於公卿庶官萬民，相待一體者，
而有弗愛弗養焉，是之謂自解其體。夫哀莫大於解
體也。蓋未之思耳矣。故夫人君者，以身體群物，慎所
以愛養之，伏惟陛下天錫睿智，宜視三公九卿百職
科道萬民如一身，反身而求之，則吾身之心思不可

以養身
勝仙家金
山遠甚

以一時不幸也。則必思所以正其心。以主群動。不宜
或有放失也。知吾身之元氣。不可以一時不調也。則
於內閣老臣。必思所以時召問訪。誠意交孚。不宜如
是疎濶也。知吾身之股肱耳目。不可以一時不運用
也。則於九卿百執事。必思所以體悉禮遇。推心委任。
不宜如是外遠也。知吾身之喉舌。不可以一時不通
也。則於科道。必思所以納其言。從其諫。不宜或有沮
塞也。知吾身之百體髮膚。不可以一或不仁也。則必
以天下窮民如疾痛在身。思所以惠育之。不宜如是

其
獨貨不一也。臣前日陳乞已。蒙聖旨俞允。其召問大
臣。選老成等事。未見施行。臣是以復進一體之說。伏
乞聖明全體物之仁。玩取身之義。兼愛養之道。慮解
體之患。懲扁鵲之走。立大公以普天下。官中府中。視
爲一體。疾痛疴癢。無不相關。使天下後世頌爲至仁
之君。追踪堯舜。臣豈勝願望之至。

孟子有腹心手足之喻。書有股肱耳目之喻。詩有
喉舌之喻。皆以言乎君臣同體之義也。甘泉公溶
成一片。以獻納其君。覺全體痛快矣。

勸行王道疏

張元禎

明於聖賢
之學纔可
語王佐

臣惟人君者。不以王道爲心。雖有爲也。謂之有爲之
主。則可。非大有爲之主也。爲人臣者。不以王道致君。
雖有功也。謂之救時之佐。則可。非名世之佐也。臣非
有王佐之才。而潛心聖賢之學。粗知王道之畧。幸爲
陛下詳陳之。夫王道乃帝王相傳。以平治天下者也。
其道雖大。然皆本之身心。外身心以爲治。是爲霸道。
霸道者。假王道以成功名。假天理之公。以濟人欲之
私。王道真。霸道僞。王道實。霸道虛。王道坦夷。霸道崎

天地之大
德曰大

。人主不可不深辨也。今臣之所陳。不及於更創制
度。振舉綱維。黜陟人物。惟勸陛下於身心用功。身心
之功既至。則王道著於政事者。布在方冊。可因可革。
可益可損。當自能裁之。而群臣有名世者。當一一有
以輔之也。夫王者之心。何心哉。天地之心也。天地所
以相播相盪。相軋相磨。而晝夜之不息者。無他。生物
而已。雖其雷霆霜雪。亦所以破頑而禁盛。非心乎。殺
之也。君得此心。而當教養之責。則當心天之心。以達
之萬事。以生乎萬民。必其四海九州。無一處無生生。

之理無一物無生生之氣禮樂明備俗化醇美至和
薰蒸諸福畢至。皆繇此心生也。然是心也。卽天理也。
天理之在此心。日用之間。本無不流通。但以既有此
身。則不能無欲。繇是誘之者衆。此心或爲之蔽。而不
能祛遣。此天理遂以漸泯。人心卽以漸亡。始於濫觴。
而至於滔天。始於一燭。而至於燎原。一念之差。一行
之失。便遂於一已一時。而惠及於天下後世。可不慎
哉。王道之行與不行。實判於此。然非有大有爲之資。
有大有爲之志者。不能克也。臣所以有望於陛下也。

開人不敢
誦之

臣在山林。伏聞陛下。毓德青宮。已負大有爲之望。嗣登寶位。屢著大有爲之實。邇者崇異端。變近習。以蠱此心。殖貨利。耽玩好。以荒此心。開佞門。塞言路。以昧此心。則不能大有爲矣。先儒程子謂學者不可讓第一等事。與別人做。王道乃人君第一等事。臣所以勸陛下行之。而竊獻三策。曰定聖志。曰一聖敬。曰廣聖知。夫所以必先於定聖志者。蓋王道之不行。係於君志之不定。多惑於近小之見。邪僻之說。殊不知王道只在心與政之無私而已。非高遠難行者也。人皆可

以爲堯舜。況於人君。誠致中和。而臻位育之效。立皇極。而成叅贊之功。將見黎民於變。而比屋可封。四方風動。而魚鳥咸若。此明效大驗。必至焉耳。古語云。有志者事竟成。程子云。君志定。而天下之治成。臣不勝倦倦。夫聖志既定。則身心之功。於是可治矣。身心之功。不過曰存養。曰省察。曰擴充。而所以致其力者。則在於敬也。故曰一聖敬焉。敬者帝王傳心之法。王道之要也。此心不能無靜時。靜惟有理而無欲。此時而敬以存養之。則中有主。雖萬感俱寂。所以知覺者。爛

然不昧矣。此心不能無動時。動則有理而有欲。此時而敬以省察之。則中有主。雖萬感畢至。而所以別善惡者。幾微不爽矣。截斷於慮念之初。芟除於事爲之際。必使私欲無一髮之容。天理無一息之間。先儒程子謂有天德者。便可語王道。其要只在謹獨。此卽天德也。此卽慎獨之功也。然古之聖王道已至而小心翼翼。德已盛而終日乾乾。主此身以此心。主此心以此敬。身在此心。心必不離乎身。事在此心。心必不離乎事。靜以涵動之原。動以妙靜之用。而凡未萌之私欲如

精於易始
可與言隨
時變易之
理

好發好武好內。好察察以爲明等。此亦不復生於心。而害於政矣。行王道者。此實至要。臣尤不勝惓惓。夫聖散既一。則作聖之功至矣。所謂王道之本立矣。而臣尤欲陛下之廣聖知何哉。誠以王道卽聖賢之學。心與理。知與行而已。理具於心。心存而理得。是故當致力於敬。然理散於事物。必其知之真。而後行之力。自此身以及天下。道之當然。理之所以然。在事物有不可以易者。此事此物。此理是矣。易之於彼事彼物。則非此事此物。當此時。此理是矣。此事此物。此理易。

之於彼時則非。在我則是。易之於人則非。在近則是。易之於遠則非。在常則是。易之於變則非。先儒所謂天然自有之中。所謂停停當當。恰好處。苟非窮之造其極。求之極。其博則事物之來不一。欲一一應酬斟酌之。無毫髮之差。難矣。且如九經達道。分田制祿。後王亦嘗有舉此王政者矣。何以終有愧於先王經濟之盛。五禮六樂六德六行。後王亦嘗有舉此王政者矣。何以終有愧於先王甄陶之妙。千城儲峙之恤。後王屢有舉此王政者矣。何以終有愧於先王張皇賑

不說破正
頭深恩

救之良天地之利先王興之何以若巨若細比之後
世也大而盡生民之害先王除之何以若巨若細比
之後世也淨而均兼之康耻喪而浮僞滋後世之習
俗日惡矣何以反之王道之淳枝葉繁而根本蹶後
世之學術日乖矣何以歸諸王道之正事事有要一
一究之使王道之行毋徒如腐儒務記誦炫辭章於
口耳筆舌之間而已又必益宏明目達聰之度益敦
好善樂諫之誠不惟啓經筵以勤講而儒臣端謹粗
知王道者不問大小時賜引諭所以涵養聖知者深

不惟容臺諫以盡言。而朝臣端厚。粗知王道者。不問
大小。或限五品以上。時賜延問。則所以增益聖知者。
詳。延引之時。必俯垂溫顏。戒以毋有避忌。使之得盡
其情。彼勲戚宦官。雖不假以權寵。亦宜使之群侍拱
聽。庶有以問其識。而知所憚。所以保護聖知者。益功。
臣尤不勝惓惓。

先生嘗有疏請讀太極西銘及定性書。敬齋箴。其
爲理學一派。可知此疏詳陳王道。一洗後世功利
之習。而歸諸三代所云名世蓋自許也。

臣聞天之於君猶父之於子也。子有過。父怒之。爲之
子者。憂愁鬱抑。痛自悔尤。亦既稍釋其父之怒矣。然
猶未能改過遷善。立身行道。以大得其父之懼心。以
成大孝於天下。而恃父之愛。遽肆然於一家之間。爲
之廝養者。食其主之食。衣其主之衣。聽其主之使令。
畧不思顧其主。以爲長久計。視其主之憂樂。若秦人
視越人之肥瘠也。長此不已。則父之所以愛之者。又
將轉而爲怒矣。夫天大父也。陛下天之宗子也。中外

治天下猶
治家然

小大之臣。陛下之廝養也。今陛下方釋天之怒。而中外小大之臣。不能舉明主於三代之隆。此臣所以寢食不安。爲陛下長太息而不能自己也。然天下之事。所當言者。不勝其衆。臣不敢毛舉以瀆聖聽。請以今日之急務。爲陛下陳之。惟陛下虛心留聽焉。大體元者。人君之職。調元者。宰輔之事。陛下之於輔臣。有闕必備。有事必咨。有殊恩異數。必加。亦云任矣。然或改革一政。進退一人。處分一軍。國重事。往往出自內批。其實一二小人者。陰執其柄。是旣任之。而又疑之也。

置呂於君
子小人之
間良是

夫陛下任之而又疑之者豈不欲推誠以待物哉竊
意其進身之初多出於私門有以致陛下之厭薄矣
至於議事之時又容容唯唯若不能然仙聲仙倪音倪音遣
倪若不敢然甘於稊稊恬於俸食反不如一二小人
足以任事此陛下所以既任而疑之也臣竊以為過
矣宋之英主無出仁宗夏竦懷奸挾詐孤負任使則
罷黜之呂夷簡痛改前非力圖後効則包容之杜衍
韓琦范仲淹富弼抱才氣有重望則不次擢之故能
比敵契丹西臣元昊而慶曆嘉祐之治號為太平未

聞一任一疑。可以成天下之事也。臣願陛下察孰爲
憂。竦吾黜之。孰爲夷簡。吾容之。孰爲杜衍。韓琦。范仲
淹。富弼。吾擢之。召至便殿。給以筆札。使條陳治平天
下之道。不使一二小人者。得以叅錯其間。則天工於
是乎亮矣。臣又聞天下之事。惟輔臣得以議之。惟諫
官得以言之。諫官雖卑。與輔臣等。宋神宗將定官制。
謂蒲宗孟曰。御史大夫。非司馬光不可。古人慎重諫
官。有如此者。今之諫官。以軀體。魁梧爲美。以應對捷
給爲賢。以簿書刑獄爲職業。上不畏天命。下不悲人。

設臺鼓
之風

窮群居終日迹若鰓鰓與于問有忠義激之者則口
吾舌非不能言吾心非不欲言吾官非不可言但言
出而禍謫隨之其誰吾聽嗚呼既不盡言以稱其職
而復引咎以歸於君有人心者何忍爲此臣願罷黜
浮沉之輩廣求風節之臣或令對仗彈劾或令入閣
叅議或請對或輪對或非時召對接之以溫顏款之
以厚語使得展盡底蘊無少顧忌言有可採則次第
施行否則亦優容而不之罪則天聽於是乎開矣臣
又聞猛虎在山藜藿不採汲黯在朝淮南寢謀正人

君子之有益於人國也大矣。夫以陛下之聰明。豈不知天下之事。必得正人君子而後可任哉。其所以不樂於正人君子而反屈折之者。非有他也。特以其所言所行。利於公室。而不利於私家。故小人巧爲讒間。以中傷之耳。姑以臣所知者言之。如兵部尚書王恕。元勲碩德。願削其爵。監察御史強珍。忠肝義膽。願褫其權。他如章懋之直亮。林俊之剛方。張吉之純雅。或落之於空山。或踈之於部屬。或竄之於蠻烟瘴雨之鄉。使其具向日之誠。而不得以一遂。此豈天所以生

賢之本心哉。臣願陛下節至恕之蒲輪。駕強珍之駟馬。將林俊等。分居要近之地。使各盡其平生。以圖來效。則天心於是乎協矣。臣又聞范祖禹有言。自古國家之敗。未有不繇輕變祖宗之舊也。創業之君。其得之也難。故其防患也深。其慮之也遠。故其立法也密。後世雖有聰明才智之君。獨出群臣之表。然終不若祖宗更事之多也。我太祖高皇帝。監前古之迹。識禍亂之源。故凡寺人之徒。惟供給掃除之役。頃年以來。舊章日壞。邪徑日開。人主大權。盡出此曹之手。內倚

說盡此曹
威福

其。方。正。氣。卷。之。一。四。七。
之。爲。相。外。倚。之。爲。將。藩。省。倚。之。爲。鎮。撫。伶。人。賤。工。倚。
之。以。作。奇。技。淫。巧。法。王。佛。子。倚。之。以。出。入。宣。禁。鎮。國。
永。昌。寺。倚。之。以。結。怨。於。軍。民。其。他。耳。目。之。所。不。加。思。
慮。之。所。不。及。尤。有。不。可。勝。言。者。歐。陽。修。曰。宦。官。之。福。
甚。於。女。寵。可。不。念。哉。可。不。畏。哉。臣。願。陛。下。以。宰。相。爲。
股。肱。以。諫。官。爲。耳。目。以。正。人。君。子。爲。腹。心。然。後。深。思。
極。慮。定。宗。社。生。靈。長。久。之。計。則。大。綱。於。是。乎。正。矣。然。
深。究。其。本。則。在。陛。下。之。明。理。何。如。耳。朱。熹。曰。人。主。之。
學。當。以。明。理。爲。先。此。萬。古。帝。王。之。準。的。也。陛。下。聖。賢。

高明聖學深遠。豈不致力於明理之學。然竊聞之侍
臣之進講也。指某章爲某書。訓某字爲某義。殊無反
復論辨之功。陛下之聽講也。每歲有常月。每月有常
日。殊無從容啓沃之益。如此而欲明理以應事。臣不
信也。臣願陛下擴難窮之義理。惜易過之春秋。考之
於經。驗之於史。會之於心。體之於身。一歲之間。無一
月之不然。一月之間。無一日之不然。則所當爲者。不
得不爲。所不當爲者。不得不去矣。豈特四事之舉而
已哉。

擇相臣聞言路彙衆正守祖法治天下之能事畢
矣歸本到明理上去則吾儒教學正宗也汝愚年
踰弱冠而天才駿發名理沛然卽以邁迹終賈接
踵程朱可矣說者謂爲忠鯁名臣不必廁諸道學
之列吾不信也

應詔封事疏

鄒 卨

伏觀今月初十日五鼓有大星飛流起西北亘東南
光芒燭地。蛇音遠延音延如龍蛇。人馬辟易。蓋陽不能制
陰之象也。臣竊惟陛下卽位以來。慷慨奮發。恭儉勤
勞。擯斥宦官。黜遠左道。根究浮費。裁抑冗員。痛懲法
王佛子。大放珍禽奇獸。凡天下之人。所欲而未得。所
患而未去者。以次罷行。幾無遺憾。宜其克享天心。而
景星卿雲。昭回乎霄漢之表。今變異若此。其故何哉。
臣反復思之。無乃陰之當消者未消。陽之當長者未

從治安策
策而理則
加大

靜意驕慢
即令所以

長而陛下所以事天者猶有所未至與昔孔子修春秋凡星變必書朱子修綱目凡星變必書所以垂萬世帝王之明戒也使孔子而非大聖朱子而非大賢則其書之也疑亦無謂使其達天人之理則豈可不為寒心也哉伏讀明詔有曰天下大小衙門政務如有利所當興弊所當革者所在官員人等指實條具以聞臣有以見陛下知前日登極詔書為好臣所誤阻塞言路物論翬然故復下此條以自解耳夫不曰朕躬有過失朝政有闕遺而曰利所當興弊所當革

不曰許諸人直言無隱而曰所在官員人等指實條
具以聞。陛下之所以求言者已不廣矣。然欲興天下
之利。當求利之所以興。欲革天下之弊。當求弊之所
以革。欲正天下之衙門。當自大衙門始。臣請遡流窮
源。爲陛下陳之。惟陛下虛心以聽。夫內閣者。天下之
大衙門也。利莫利於君子進。弊莫弊於小人不退。小
人不退。欲獎之革也。不可得已。君子不進。欲利之興
也。不可得已。且如少師萬安。持祿怙寵。殊無厭足。少
保劉吉。附下罔上。漫無可否。太子少保尹直。挾詐懷

素望魚
連賢退不
肖之心故
言之無諱
乃爾

奸全無廉耻。世之所謂小人也。陛下留之。則君德必
不能輔。朝政必不能修。紀綱必壞。風俗必偷。天下之
賢。必有所觀望而不敢來。天下之邪。必有所盤結而
不肯去。上獎社稷。下獎蒼生。此獎所當革者也。臣願
陛下諷之再辭。以全其體。給之餘祿。以飽其欲。放之
田里。以休其勞。則天下之弊。無不革矣。至如致仕尚
書王恕。託志忠勤。可任大事。尚書王竑。秉節剛勁。可
寢大姦。都御史彭韶。學識醇正。可決大疑。世之所謂
君子也。陛下用之。則君德必爲之開明。朝政必爲之

靖肅紀綱。必振風俗。少淳天下之賢。必拔茅而來。天下之邪。必望風而去。上利社稷。下利蒼生。此利所當興者也。臣願陛下予之安車。以優其禮。賜之手詔。以重其行。置之左右。以展其蘊。則天下之利無不興矣。然君子之所以不進。小人之所以不退。豈無自哉。大抵宦官之權重也。漢元帝嘗任蕭望之。周堪矣。一制於弘恭石顯。則不得以行其志。宋孝宗嘗任陳俊卿。劉珙矣。一問於陳源甘昇。則不得以盡其才。李林甫。牛仙客。與高力士相爲掎角。而玄宗之朝政不經。賈

似道丁大全與董宋臣相爲表裏而理宗之國勢不振。君子小人進退之機未嘗不在於此曹之盛衰也。臣願陛下鑒其所既往。謹其所未來。大張英斷。總攬天綱。凡所以待宦官者。一以太祖高皇帝爲法。凡所以任大臣者。一以太宗文皇帝爲法。則君子可進。小人可退。而天下之治出於一矣。陛下聰明冠絕百王。神武震驚六合。豈不知刑臣之不可以弄天綱哉。然而一操一縱之間。卒無一定之守者。殆正心之功未之講也。心者身之主。事之綱也。但其所發不能無天

理人欲之異耳。發於天理則耳目自然聰明言動自然中節。可以對越上帝。何宦官之能惑。發於人欲則一身無主。萬事無綱。儀狄之酒。或得以甘。吾之飲。易牙之味。或得以飽。吾之饕。白台閭湏之美。夾林蘭臺之樂。或得以蕩吾之目。彼必投間抵隙。以施其蒙蔽播弄之術。於不知不覺之中。雖有聰明神武之資。亦將日改月化。而寢失其本初矣。欲進君子。退小人。此天下之利。革天下之弊。正天下之衙門。豈易得哉。陛下早朝之後。深居法宮。其心之發於天理。發於人欲。

或天理人欲交戰於胸中。臣皆不得而知也。此全在陛下自點簡。自省察。果天理耶。則敬以養之。果人欲耶。則敬以克之。則靜與天俱。動與天合。而宦官不能惑矣。蓋以君子對小人言之。君子爲陽。小人爲陰。以群臣對宦官言之。群臣爲陽。宦官爲陰。以天理對人欲言之。天理爲陽。人欲爲陰。所謂陽者。當力扶之。使之日長。所謂陰者。當痛抑之。使之日消。陽日以長。陰日以消。則所以格天者在。是所以配天者在。是所以祈天永命者在。是豈待天變之可弭而已哉。臣又聞

今日中外之論有謂三年無改於父之道者臣請論之。君子之事天也如事親。天者理而已矣。理當則行。理不當則止。一行一止順乎理而我無與焉。所以事天也。事天正所以事親也。豈有違天而可謂之孝哉。孔子之言蓋推孝子不忍之心。其所謂無改者正指在所當改而可以未改者耳。若事既當改而三年之間關係重大勢又不得不改者。自當汲汲改之。豈必拘拘於形迹之間哉。古之聖帝明王莫如堯舜。史臣贊舜之德曰。重華協帝。宜其無一事不合於堯矣。今

以書致之。舜去四凶。堯之所未去也。舜舉十六相。堯之所未舉也。舜之所以協堯者。一順乎理而已。舜之心。豈異於堯之心哉。苟徒泥聖人之言。而不會其言外之意。則前日之宦官。亦不必擯斥。左道。亦不必黜。違。浮費。亦不必根究。冗員。亦不必裁抑。法王佛子。亦不必痛懲。珍禽奇獸。亦不必大放。是誠何理也哉。臣願陛下不惑於浮言。凡所以事先帝者。以事天爲法。可也。臣顧天變赫然可畏。而中外之臣。拱手熟視。無一人敢爲陛下言之。臣之痛心。實在於此。昔朱雲以

槐里令而論安昌侯張禹。梅福以南昌尉而論大將
軍王鳳。孝宗詔監司郡守修具民間利病以聞。而朱
熹極論其故。以爲宰相臺省。師傅賓友。諫諍之臣。皆
失其職。而左右近習之臣。陰執獨斷之柄也。臣雖不
肖。固非一令一尉之比。豈敢偷生以全吾軀乎。惟陛
下爲太祖二十年艱難辛苦之業。千萬世弘大靈長
之統。一留意焉。則天下幸甚。

人主咸思興利而不知利莫利於君子。咸興革弊
而不知弊莫弊於小人。打破此關。天下豈有不舉。

之政哉制宦官之權亦是革弊內事正心則君子
日親小人日疎利之所以興也末後事親一段尤
破拘儒之失蓋文章經濟理學三者交擅其長矣

諫迎佛疏

王守仁

以將順
爲匡救
張本與
稱神詞
聖者曰
別

陛下遣使外夷。遠迎佛教。羣臣皆紛紛進諫。臣愚獨
竊幸。以爲此乃陛下聖智之開明。善端之萌蘖。羣臣
之諫。雖皆出於忠愛至情。然亦未能推原陛下此念
之所從起。是乃爲善之端。作聖之本。正當將順擴充。
遡流求源。而乃狙於世儒崇正之說。徒爾紛爭力沮。
宜乎陛下之有所拂而不受。忽而不省矣。愚臣之見。
獨異於是。乃唯恐陛下好佛之心。有所未至耳。誠使
陛下好佛之心。果已真切懇至。不徒好其名而必務。

得其○實○不○但○好○其○未○而○必○務○求○其○本○則○堯○舜○之○聖○可○
至○三○代○之○盛○可○復○矣○豈○非○天○下○之○幸○宗○社○之○福○哉○臣○
請○爲○陛○下○言○其○好○佛○之○實○陛○下○聰○明○聖○智○昔○者○青○宮○
固○已○播○傳○四○海○卽○位○以○來○偶○值○多○故○未○暇○講○求○五○帝○
三○王○神○聖○之○道○雖○或○時○御○經○筵○儒○臣○進○說○不○過○日○襲○
故○事○就○文○敷○衍○立○談○之○間○豈○能○遽○有○所○開○發○陛○下○聽○
之○以○爲○聖○賢○之○道○不○過○如○此○則○亦○有○何○可○樂○故○漸○移○
志○於○騎○射○之○能○縱○心○於○遊○觀○之○樂○蓋○亦○無○所○用○其○聰○
明○施○其○才○力○而○偶○託○寄○於○此○陛○下○聰○明○豈○固○遂○安○於○

是而不知此等皆無益有損之事也哉。馳逐困憊敗音之餘。夜氣清明之際。固將厭倦日生。悔悟日切。而左右前後。又莫有以神聖之道爲陛下言者。故遂遠思西方佛氏之教。以爲其道能使人清心絕欲。求全性命。以出離生死。又能慈悲普愛。濟度羣生。去其苦惱而躋之快樂。今災害日興。賊盜日熾。財力日竭。天下之民困苦已極。使誠身得佛氏之道而拯救之。豈徒息精養氣。保全性命。豈徒一身之樂。將天下萬民之困苦。亦可因是而蘇息。故遂特降綸音。發幣遣使。不

又寬一

照應

又

其方正統

卷之十一

三

憚數萬里之遙。不愛數萬金之費。不惜數萬生靈之困斃。不厭數年往返之遲久。遠迎學佛之徒。是蓋陛下思欲一洗舊習之非。而幡然於高明光大之業也。陛下試以臣言。反而思之。陛下之心。豈不如此乎。然則聖知之開明。善端之萌蘖者。亦豈過爲諛言。以佞陛下哉。陛下好佛之心。誠至。則臣請毋好其名。而務得其實。毋好其末。而務求其本。陛下誠欲得其實。而求其本。則請毋求諸佛。而求諸聖人。毋求諸外夷。而求諸中國。此又非臣之苟爲遊說之談。以誑陛下。臣

三句
爲頭腦

後
意先起

緊一步

又寬一步

又請得而備言之。夫佛者西域之聖人。聖人者中國之佛也。在彼夷狄。則可川佛氏之教。以化導愚頑。在我中國。自當用聖人之道。以參贊化育。猶行陸者必用車馬。渡海者必以舟航。今居中國而師佛教。是猶以車馬渡海。雖使造父爲御。王良爲佐。非但不能利涉。必且有沉溺之患。夫車馬本致遠之具。豈不利器乎。然而用非其地。則技無所施。陛下若謂佛氏之道。雖不可以平治天下。或亦可以脫離一身之生死。雖不可以參贊化育。而時亦可以導群品之囂頑。就此

緊一步

二說亦復不過得吾聖人之餘緒。陛下不信。則臣請比而論之。臣亦竊嘗學佛。最所尊信。自謂悟得其蘊。與後乃窺見聖道之大。始遂棄置其說。臣請毋言其短。言其長者。夫西方之佛。以釋迦爲最。中國之聖人。以堯舜爲最。臣請以釋迦與堯舜比而論之。夫世之最所崇慕釋迦者。莫尚於脫離生死。超然獨存於世。今佛氏之書。具載始末。謂釋迦住世說法四十餘年。壽八十二歲。而沒。則其壽亦誠可謂高矣。然舜年百有十歲。堯年一百二十歲。其壽比之釋迦。則又高也。

策一步

佛能慈悲施捨不惜頭目腦髓以救人之急難則其
仁愛及物亦誠可謂至矣然必苦行於雪山奔走於
道路而後能有所濟若堯舜則端拱無爲而天下各
得其所惟克明峻德以親九族則九族旣睦平章百
姓則百姓昭明協和萬邦則黎民於變時雍極而至
於上下草木鳥獸無不咸若其仁愛及物此之釋迦
則又至也佛能方便說法開悟羣迷戒人之酒止人
之殺去人之貪絕人之嗔其神通妙用亦誠可謂大
矣然必耳提面誨而後能若在堯舜則光被四表格

策二步

兩兩比
勸使佛
氏無辭
以對

又緊一
步

是趙充
國無喻

其○又○正○統○卷○之○一○
於○上○下○其○至○誠○所○運○自○然○不○言○而○信○不○動○而○變○無○爲○
而○成○蓋○與○天○地○合○其○德○與○日○月○合○其○明○與○四○時○合○其○
序○與○鬼○神○合○其○吉○凶○其○神○化○無○方○而○妙○用○無○體○比○之○
釋○迦○則○又○大○也○若○乃○詛○呪○變○幻○眩○怪○捏○妖○以○欺○惑○愚○
冥○是○固○佛○氏○之○所○深○排○極○詆○謂○之○外○道○邪○魔○正○與○佛○
道○相○反○者○不○應○好○佛○而○乃○好○其○所○相○反○求○佛○而○乃○求○
其○所○排○詆○者○也○陛○下○若○以○堯○舜○既○沒○一○欲○求○之○于○彼○
則○釋○迦○之○亡○亦○已○久○矣○若○謂○彼○中○學○佛○之○徒○能○傳○釋○
迦○之○道○則○吾○中○國○之○大○顧○豈○無○人○能○傳○堯○舜○之○道○者○

意但渾
極不遠

無應

照應

又緊一

乎陛下未之求耳陛下試求大臣之中苟其能明堯
舜之道者日日與之推求講究乃必有能明神聖之
道致陛下於堯舜之域者矣故臣以爲陛下好佛之
心誠至則請毋好其名而務得其實毋好其末而務
求其本務得其實而求其本則請毋求諸佛而求諸
聖人毋求諸夷狄而求諸中國者果非妄爲遊說之
談以誑陛下者矣陛下果能以好佛之心而好聖人
以求釋迦之誠而求諸堯舜之道則不必涉數萬里
之遙而西方極樂只在目前則不必糜數萬之費斂

步

十萬

語歸本

孔孟

無慮

數萬之命。歷數年之久。而一塵不動。彈指之間。可以
立躋聖地。神通妙用。隨形隨足。此又非臣之繆爲大
言以欺陛下。必欲討究其說。則皆鑿鑿可證之言。孔
子云。我欲仁。斯仁至矣。一日克己復禮。而天下歸仁。
孟軻云。人皆可以爲堯舜。豈欺我哉。陛下反而思之。
又試以詢之大臣。詢之羣臣。果臣言出於虛繆。則甘
受欺妄之戮。臣不知請忌。伏見陛下善心之萌。不覺
踴躍喜幸。輒進其將順擴充之說。惟陛下垂察。則宗
社幸甚。天下幸甚。萬世幸甚。臣不勝祝望懇切。殞越

之至

韓公佛骨表古今嘖嘖稱諫章第一及讀陽明一
疏覺彼齷而此婉彼激而此和彼難合而此易入
諫法五孔子獨取諷諫良有以也易曰遇主於巷
又曰納約自牖其斯之謂與

老泉曰蘇秦張儀吾取其術不取其心龍逢比干
吾取其心不取其術若陽明之心之術蘇子何擇
焉

茅觸之舌歐蘇之筆程朱之理莫不各臻其妙

其
子
糸

永
之
二

三
ノ

陳情乞終養疏

陳茂烈

語雖平淡
意實悲婉

讀之可想
見此公之

孝

至言至情

臣生十三年。父善祥不幸早喪。母張氏無任劬勞。臣
又隻身。別無次丁。孤苦成立。臣前任吉安府推官。母
年雖高。猶能就祿。繼蒙聖恩。行取來京。母年愈老。疾
病纏綿。不勝跋涉。重違故鄉。臨別丁寧。言語悲切。臣
待罪於茲。將二季矣。顧以菲才。無補風紀。又蒙聖恩。
錄臣前任微勞。賜之勅命。舉家幽明。感被天寵。揣分
奚堪。固宜捐軀圖報於萬一也。奈何慈闈衰邁。夕照
如飛。母今年七十有七矣。君恩猶可以再酬。母年不

字二淚
一淚一珠

君恩可以
再酬

可以多得也。况臣又無男嗣。又無兄弟。一母一子。各
天一涯。千思萬思。無時不思。疾病獨自呻吟。藥餌孰
與調節。臣既思母。則報主之心。亂母復思。臣則保身
之念。微臣心可憫。母心尤可虞也。伏望皇上憐臣母
子孤苦。乞勅該部。照例放臣終養。使得以慰倚門之
望。少伸寸草之忱。臣雖祇奉親顏。仰瞻天日。愈思願
渥。益勵初心。尚期涓埃之報。於將來再效犬馬之勞。
於未死。豈敢釋然而長往者。臣心實懇切。謹具奏聞。

昔人云。讀季令伯陳情表。而不墮淚者。其人必不

孝獨情僞朝二字昧却忠孝合一之理耳陳公發
乎至情無所矯拂是以舍彼而錄此

其ノ上ノ糸

糸ノ一

一

劾元輔奪情疏

吳中行

奏爲因變陳言。竭愚衷。明大義。以植綱常。以隆治安。
事。頃者天象示異。星變非常。聖心兢惕。復戒論大小。
臣工修省。共圖消弭。臣愚以草芥微軀。荷蒙皇上作。
養洪造。思效涓埃之報。靡繇也。且政事所當興革。有。
官守者能圖之。臣寮所當刺舉。有言責者能言之。非。
臣所宜與。亦非臣所敢及也。第卽今日之大者。要者。
爲皇上陳之。書曰。天視自我民視。天聽自我民聽。夫。
言天而必言民者。蓋天人相通。感召有自。凡事必質。

規
聖所以

其
諸人心而安。始揆諸天意而順。天意順。然後天變可
消也。元輔張居正乞歸守制。至再至三。情辭俱窮矣。
而皇上眷倚愈懇。慰勉特至。此豈惟明良相與稱帝
王之盛節而已哉。仰惟皇上以受遺顧命之臣。而委
心以任之。大孝也。爲社稷生靈以留之。至仁也。即帝
王念茲釋茲之盛心。奚尚焉。且事有輕有重。重於國
則輕於家。臣人匪躬之義也。時有常有變。通其變。勿
泥其常。聖人達節之權也。今皇上之意。豈不責之以
義。而欲其通之以權哉。然而。是舉也。萬古之綱常所

必至
情懇感動
可涕可洩
有人心者
宜於其端
變矣

繫四方之觀。聽攸關正宜深籌長顧。必思所以處之。
當而求其安者。臣聞之。君之使臣也。以禮。人之愛人。
也以德。謂之禮。非特接遇之文也。必以心相體焉。謂
之德。非徒眷戀之私也。必以道相成焉。元輔夙夜在
公。勤勞最久。謂父子相別十九年矣。則子之繇壯至
強。繇強至老。與其父之從衰得白。從白得耆。音容相
睽。彼此未覩。而今長逝於數千里之外。遂成永訣。乃
又不得匍匐苦塊。一憑棺。臨穴。其情有弗堪者。臣連
日見其衰經之容。擗踊之狀。若以不得去爲悲哀者。

人皆爲之酸楚而皇上必欲其違心抑情啜哀茹痛於廟廊之上且責之以紆謨決策調元熙載焉或者非其情也臣聞之禮義繇賢者出皇上之特眷元輔者不以其賢乎域中之共仰元輔者又不以其賢乎賢者禮義之宗也矧位當天下之重任則身繫海內之具瞻必正已而後可以正百官而後可以正萬民其理有必然者今皇上之所以必留與元輔之所以不容不留者其微權深意非圓神通方者未可告語彼遠方逃聽之夫拘曲守常之士人人然也或因其

甲基以
責其將
何說之辭

不去之迹而歸以不遑之疑。安能家喻戶曉而使之
無里談巷議乎。夫輿情未愜。革面無庸。而皇上尚欲
其敷化施政。端範移風於海寓之間。且責人之趨令
遵教。用協丕式焉。或者非其理也。元輔之爲賢輔。彌
也。其自信而對揚之言。惟曰。聖賢道理。祖宗法度。斯
二語兢兢守之。勿之有墜焉耳。宰予短喪。孔子曰。予
有三年之愛於其父母乎。王子請喪。孟子曰。雖加一
日愈於已。然則終喪者。正聖賢之訓也。而身自違之。
必其所不忍也。國家令甲。丁憂守制。二十七箇月爲

滿雖庸人小吏。匪喪有律。惟武弁戎行。則墨衰從事。而未嘗以介冑之士。處輔弼之臣。卽有往例可稽。亦三年未終。而非一日不去之謂也。且當時諍之後世。譏之。乃內閣二輔臣首題之疏。方以訃聞。遂以例請。亦謬矣。至臺省諸諫官。乞留之疏。實爲贅辭。尤昧成憲。抑又謬矣。然則奪情者。正非祖宗之法也。而身自蹈之。必其所不敢也。以其所不忍。所不敢。而委姚廷。遲不得已。爲辭俸之請。又不得已。俟大婚之期。臣竊有以諒其心焉。臣子之於君。死生進退。惟其命而無

微諷隱刺
無一惡語

所逃也。夫皇上無命允之命而屢瀆不止則尤有所
大不敢者。禮意隆渥。札諭諄懇。相須甚殷。誠千載一
遇也。夫皇上有殊絕之恩而求去必速則尤有所大
不忍者。然則所望以卹其私情全其大節者亦惟在
皇上曲體而俯容之耳。况卹一時之情正所以安其
心而責效於他日。全一人之節正所以端其身而錫
極於兆民。則皇上勉留之者固所以爲社稷爲生靈
而臣則謂皇上宜俯容之者亦所以爲社稷爲生靈
也。皇上誠虛懷親賢講學圖理日召見大臣益明習

國家事不以嗜欲漸開。而懈心生。不以疆圉僅寧。而侈心生。怠荒是戒。朝夕惟勤。將見聖德日盛。世道時雍。凡元輔所深望者。皇上能終慰之。雖去猶不去也。於是仍虛位以待。則計日可還。若有大政事。大謀議。或實封上奏。或遣使就咨。不然。則容其給假。營葬。竣事。趨朝。暫往。邇來以副倚注。斯君恩親誼。子孝臣忠。一舉兼得。萬世有辭矣。彝倫攸叙。風化大行。則人心安。天意順。或亦弭災消變之道也。臣之進也。元輔之所舉也。有師弟子之分焉。臣以爲荷有千慮一得之

魏劉更職
上去尤翰
林四諫所
未及

愚所當吐露而復以全軀保妻子之念奪之非事君
不欺之忠亦非事師無隱之義也臣豈不知臣之言
上違聖意必觸天威又豈不知臣之官典在筆札卽
爲隱默亦匪療贖顧不優游清華而敢於干犯雷霆
哉然昭是非番勸戒亦史臣之職與其記述於簡冊
以彰穢示懲孰若披陳於君父之前求今日無過舉
俾後世無遺議也伏惟皇上寬斧鉞之誅賜芻蕘之
擇而番神俯納焉元輔幸甚愚臣幸甚

復菴之於江陵師弟也事師之道無犯無隱形之

彈章可謂無隱矣而字字婉曲語語周旋却未有
涉於犯者師弟居五倫之一以道義相切磨若復
菴者其亦可矣

陳務學之要疏

高攀龍

無怠微之
暴於毫芒

臣觀帝王之德。惟明而已。惟其明也。天下誦之曰明。明雖以堯舜之聖。不過明其峻德。爲明明后也。故明明后者。必明令德。明德者。何人之心也。人心本明。有不明者何也。心本明。又須人自明之。故放於外則不明。復於身則明。着於欲則不明。循於理則明。動於氣則不明。安於正則明。荒於怠則不明。居於敬則明。騖於動則不明。主於靜則明。其明與不明。在一念轉後。間如反覆掌無難也。今陛下臨朝。百官肅肅於下。陛

下肅肅於上。陛下之心無不明也。陛下臨祭百執事肅肅於廷。陛下肅肅於位。陛下之心無不明也。然而未爲明也。何者。朝泰之頃。陛下之心無不明。陛下不自知其明也。必反而思曰。此方寸中不着一事。豈非中心無爲。以守至正乎。是所謂心復於身也。循於理也。安於正也。居於敬也。主於靜也。是所謂不放於外。不着於欲。不動於氣。不荒於怠。不驚於動也。故曰。思則得之。不思則不得。得此知吾心之明。本來如是不爲造作也。然後陛下知吾心之無外。即天也。吾心之

有主卽上帝也。故曰上帝臨汝。無二爾心。故曰小心。
翼翼。昭事上帝。此心一刻放失。卽二其心。非所以事
上帝矣。夫然後深宮之中。得肆之地。欲不凜然保之。不
可得矣。至於深宮之中。得肆之地。凜然保之。而後爲
明明之德。夫然後陛下讀聖賢書。知無一字不言心。
無一字不言心之明。而津津有味焉。至津津有味於
書。而此心之保不難矣。自昔聖帝明王。未有不好讀
書者。人主好讀書。未有不爲賢君令主者。人心易放。
而難操。舍讀書。別無操之之道。如大學一書。旣講於

經筵入於聖慮。臣以爲卽此書反覆玩味。明明德於天下。裕如矣。推而廣之。宋臣真德秀大學衍義。不可不讀也。再推而廣之。先臣丘濬大學衍義補。不可不讀也。陛下盡心於三書。帝王心法治法。無不具備。夫然後知無不明也。又如此。戎政尚書克續論選侍一事。陛下念聖母。則寬選侍之罪。念皇考。則優選侍之禮。義之盡也。仁之至也。而說者乃曰。爲聖母隱諱。則爲孝。明如聖諭。以爲假捏。忠如楊漣。以爲無功。人臣避居功。甘居罪。君父有急。冷眼旁觀。此大亂之道也。

卷之五
明此翻矣

不可不明也。一惑其說。孝也不知其爲孝。不孝也以爲大孝。忠也不知其爲忠。不忠也以爲大忠。大孝大忠。皆可反黑爲白。何事不可指鹿爲馬。昔宋朝欲貶蔡確。嶺表宰執恐開端。朱熹歎曰。使後世見無禮於君。拱手坐視。而不敢逐。必此言夫。今務隱諱而已。將何所不至哉。事有不辨於至微。寃將貽禍於無窮者。皆歷歷可數。在陛下多講書。精義理。此心常明。自能辨之。果其辨之。則如左袒鄭氏諸臣。大義豈容不計。何可一日復令居輦轂下耶。臣蒙陛下擢於廢棄。玷

漢從此地
滑楚

於朝班八閱月矣。凡陛下真有爲堯舜之資。天下真
可被爲唐爲虞之福。而禍亂未已。治平未臻。羣臣之
言。鉅細畢舉。然舉而措之。在陛下一人。所以轉天地
之運。握宇宙之樞。提挈綱維。兼總條貫。又在陛下一
心。不然如無舵之舟。無輪之車。何所執持。何所適從。
乎。臣故舉要言之。必讀書以明理。明理以明心。明心
以出治。始得弘濟於艱難。建中興之大業也。臣非迂
言。四十年。體驗於身心。考究於經史。信其理之必然。
食芹而美。曝日而溫。以獻至尊。臣老矣。不能久事陛

不敢不畢其所欲言。伏惟聖明少垂察焉。
方是時煬龜蔽明天下事難言矣。此跪以明德立
論而歸其要於求放心金玉中。寓有藥石。至於論
李選特一事。尤足定春秋之案。而破舉朝紛紛之
口說者。謂先生遠宗程朱。近追羅薛。豈溢美哉。厥
後以申明職掌。故意罹殺身之禍。悲夫。

其方止糸

糸之

陳共學之原疏

鄒元標

頃接兵科朱童蒙一疏爲憲臣議開講學之壇國家
恐起門戶之漸欲臣等安心本分愛惜精神以東林
爲戒及法度風俗進退賢不肖等語屬望臣等思深
哉科臣乎臣有味乎其言之矣先正云本分之外不
加毫末。人生聞道始知本分內事不聞道只所謂本
分者未知果是本分與否也天下治亂係於人心人
心邪正係於學術法度風俗刑清罰省進賢退不肖
舍明學術其道無繇無偏無黨王道蕩蕩無黨無偏

氣象
濶空

其文正統卷之十一

王道平平。臣等所講習討論者。惟是銷反側以歸正。直會有極。以歸皇極。若分門別戶。則名教所不載也。湛湛晴空。鳶自飛。魚自躍。天自高地。自厚。總皆造化。生機浩浩。長安大成。小德可成。才可達。盡是皇上大澤。無一物不備。亦無一事不有。琳宮會館。舉目如林。韻語新聲。拂耳如雷。豈獨碍此嘒嘒。則古昔談先王之儒紳耶。豈獨多此海內衣冠萃正之壇坫耶。臣嘗思之。千古來自吾夫子振鐸東魯。孟軻氏繼之。唐韓愈謂軻之死。不得其傳。所謂不傳者。必有指

雖他傳消
還不去

王宋函諸儒竝起。我明益光大。有耀臣等欲爲孔孟
求衣鉢之傳。童蒙獨不思爲東魯延筮裘之緒乎。臣
志學非自今日始也。臣弱冠幸舉孝廉。從諸長者遊。
一登講堂。此心戚戚。旣謝計偕。獨處深山者三年。後
入夜郎。兀坐深箚者六年。浮沉南北。棲遲田畝。又三
十餘年。賴有此學。死生患難。未嘗隕志。所藉朝夕切
切者。無論他省。卽東魯劉孟秋。朱洪謨。王汝訓。其師
友也。記得隆慶丁卯戊辰間。徐階當國。集諸計臣。千
餘人。手書識仁定性二書。與諸士人商度。今未嘗以

是少徐階相業。神宗朝癸未乙酉丙戌講臣等亦每
集於演象所。日有講論。時執政諸臣亦嘗過而問焉。
後生不知。今元輔所知也。若只以臣等講學。惟宜放
棄斥逐之日。以此澆其塊壘。消其抑鬱。無聊之氣。則
如切如磋者。道學一語。端爲濟危救苦良方。非盡性
至命妙劑。亦視斯道太輕視。諸林下臣大淺矣。人生
墮地。高者自訓。詰帖括外。別無功課。自青紫榮名外。
別無意趣。惡聞講學也。實煩有徒。蓋不知不聞道。卽
位極人臣。勲勤旗常了。不得本分事。生是虛。死是

虛死朽骨青山黃鳥歎聲不知天與昭昭者漂泊何
所此臣所以束髮至老不敢頽墮自甘者也臣又有
言焉前二十年東林諸臣有文有行九原已往惟是
在昔朝貴自岐意見一倡衆和幾淆清議懲前覆轍
不在臣等臣心在光天化日之下身在藩籬垣墻之
界聞童蒙之言惟自鞭目策更復何疑臣又思詩云
相彼鳥矣猶求友聲矧伊人矣不求友生神之聽之
終和且平古人求友必有嚶鳴相合臣等求友未得
和平之韻先來同類之疑願罷臣以爲倡學者之戒

臣歸爲順則之民足矣願陛下經筵日講爲諸臣先
無以臣等阻千百世共學之心斯文幸甚世道幸甚
國家幸甚

先生屢遭貶斥百折不回所得力於講學者居多
此文以體之身驗之心者而形之奏疏故侃侃諤
諤直從醉夢中喚醒迷人當時有請廢天下講壇
者不知何以施顏面

面恩陳謝疏

劉宗周

不賢不師
流弊至此

陛下焦心勞思躬親細務而不辭者總以未得天下
賢入君子而用之也。昔者堯舜勞於求賢而逸於使
人。故能成勛華之治。陛下亦嘗搜羅遺賢遍天下乎。
而所嘉與而樂用者多奔走集事之人。方且以摘發
爲精明。以告訐爲正直。以便捷利口爲才諳。又安得
天下賢者而用之。卽得其人矣。求之大備或以短而
廢長。責之太苛。或因誤而成過。有動遭罪譴。已耳夫
堯舜之所以稱聖者以其不自用而取諸人也。當是

上既親視
天下士故
下亦從風
而靡

時天下之聰明才技豈復有加於堯舜而堯康衢必
訪舜邇言必答故能令天下之愚以成智陛下聖明
天縱卓絕千古諸所劈畫出群臣意表遂視天下以
爲莫已若而不覺有自用之心臣下自以爲不及益
務爲謹凜救過不給讒譎者因而間之猜忌之端遂
從此起陛下遂無可與托天下矣夫天下可以一人
理乎恃一人之聰明而使臣下不得盡其忠則陛下
之耳目有時而壅矣憑一己之獨斷而使諸大夫國
人不得悉其是則陛下之意見有時而移矣方且爲

學堯舜之
學而主見
小利而急
功名

內降。方且爲留中不報。又何以追喜起之風。而奏雍
熙之上理乎。然則兵以不戰爲武。刑以不殺爲威。求
天下之賢人以自輔。遂可以希堯舜乎。未也。堯舜之
道。堯舜之學。爲之也。學之大者。在執中數語。陛下生
符堯舜。聲色不御。宴游不邇。窮危微之訓。固已得其
大端。至於求治之心。操之過急。不免醞釀而爲功利。
功利之不已。流而爲猜忌。猜忌之不已。積而爲冰炭。
人心之所以潛滋暗長。而不自知也。於焉嘿証此心
之出於道者。正此仁義之良。而精以擇之。一以守之。

三君皆爲
其所誣

則隨此心所發。自無過不及之差。而中道在是矣。中
者。天命之性。仁義之極則也。仁以育天下。義以正天
下。自朝廷達於邊境。舉而措之。陛下以一日堯而舜
矣。夫堯舜非絕德也。陛下之心。則堯舜之心也。心之
中。卽堯舜之中也。有爲者亦若是而已矣。又何難焉。
孟子曰。道二。仁與不仁。不爲堯舜。更無下堯舜一等。
可爲。昔宋神宗用王安石。用兵西北。紛紛言利以新
法。禍天下。則功利之毒也。漢宣帝生民間。周知情僞。
用法無私。趙蓋韓楊。不得其死。說者謂漢業衰於孝

宜則刑名之過也。唐德明強自用。指姜公輔爲賣直。耻見屈於正論。而甘受欺於群小。卒有奉天之禍。則猜忌壅蔽之爲患也。此皆三代以後。不數得之英主。而操術若此。禍敗若彼。則堯舜之道。信乎不可以不學故也。伏願陛下超然遠覽。學堯舜之學。行堯舜之道。令已以用天下之賢。省刑薄斂。與天下更始。乃始制禮樂以化天下。直接三千年道統。則宗社幸甚。斯文幸甚。

龍比之忠直。韓陸之懇切。程朱之深醇。無所不備。

有臣如此何忍棄之

直陳轉亂爲治之機疏

劉宗周

職嘗讀史。至唐德宗一再播遷。天下之勢。幾於萬難。措手。而其臣陸贄。所以啓告其君者。獨本之六經仁義。爲一時強明自用之藥。卒以再造唐室。職乃知聖人之道。可以治世。雖其君庸主也。而其臣用之。其效不旋踵。況聖明在御之日。職是以慨然切有請也。自十餘年來。謀國無良。寇氛孔熾。震及宗社。朝廷始有積輕士大夫之心。自此耳目參於近侍。腹心寄於干城。治術尚乎刑名。政體歸之叢脞。天下事有不覺日

底於壞者。故自厥衛司譏訪而告訐之風熾。自詔獄及士紳而堂簾之等夷。自人人救過不給而欺罔之習轉盛。自事事仰承獨斷而謂佞之風日長。自三尺法不伸於司寇而犯者日衆。自詔旨雜治五刑歲窮斷獄以數千計而好生之德意泯。自刀筆治絲綸而王言褻。自誅求及瑣屑而政體傷。自叅罰在錢糧而官愈貪。吏愈橫。賦愈逋。自獻朴日煩而民生瘁。自嚴刑與重歛交困而天下盜賊蜂起。自總理任而臣下之功能薄。自監紀遣而封疆之責任輕。自督撫無權。

而將日懦。自武弁廢法。而兵日驕。自將懦。兵驕。而朝廷之威令。并窮於督撫。自朝廷勤限盡賊。而行間日殺良報級。以幸免無罪。使生靈益塗炭。事急矣。聖衷一旦撤摠監之任。重守令之選。下弓旌之檄。收酷吏之威。維新之政。次第可觀。方與二三臣工。洗心剔慮。以聯泰交。而不意君臣相遇之難也。得一文震孟之賢。而竟以單詞報罷。使大臣失和衷之誼。得一陳子壯之忠。又以過戇坐辜。使朝廷無吁咈之風。此其所關於國體人心。又有非淺鮮者。於是求治愈殷。紛

一味培養
元氣自能
起死回生

更四出市井雜流咸得操其訛說投閒抵隙以希進
用而國事愈不可問。凡若此者在皇上不過始於一
念之矯枉而積漸之勢釀爲厲階遂幾於莫可收拾
則今日轉亂爲治之機斷可識矣。夫皇上之所恃以
治天下者法也。而非所以法者也。所以法者道也。如
以道則必首體上天生物之心以敬天而不至徒倚
用風雷則必重念祖宗暨古之統以率祖而不至輕
言改作。則必法堯舜之恭已無爲以簡要出政令。法
堯舜之舍己從人以寬大養人才。法堯舜之從欲而

賊盜安民
只得如此
不知者視
爲迂濶矣

治以忠厚培國命。并法三王之發政施仁。亟議捐徭。以收天下泮渙之人心。而且遠內廷以掃除之役。杜後世宦官之釁。正濡帥以失律之誅。杜後世藩鎮之釁。慎宗賢以改職之途。杜後世宗藩之釁。除此三大釁者。而國家苞桑之業。已在此世。又何虞。內外交困也。顧此蚩蚩潢池。言勦言撫。揔非定筭。皇上但下尺一之詔。痛言前日。所以致寇之繇。與今日不忍輕棄斯民之意。乃遣廷臣齎內帑。巡行郡國。爲招撫使。以招其無罪而流亡者。一面陳師險隘。堅壁清野。聽其

窮而自解來歸。誅渠之外。猶可不殺一人。不損一矢。而畢此役。自此四方知中國有聖人。將聞風慕義之。恐後。而又奚煩於觀兵哉。此聖人治天下之明效也。讀前幅甚於痛哭流涕。讀後幅愈於美玉精金果行其言。天下事尚可爲也。當日有君無臣之嘆。恐亦旁觀者過計耳。

釐正文體疏

凌義渠

皇上深軫生民害政之慮。功令日嚴。士人久沿壽張
爲幻之風。宿習難醒。必明開條款。著爲章程。如川行
之有隄防。方足遏其橫奔潰決之勢。如車樞之有軌
範。方足正其詭譎獲禽之思。不則泛泛悠悠。卽懲創
之亦已後矣。謹擇其切要。列爲八條。以俟申飭。一曰
崇經。孔子刪述六經。垂訓萬世。及門之從。皆身通六
藝。漢承秦火之餘。以明經取士。當時大儒。若董仲舒
劉向蕭望之輩。皆兼通數經。我國家雖分經取士。然

未能掩貫
六經而騎
語學問羞
甚

未嘗不貴其博雅淹通也。蓋天地間名理畢具六經。不惟大事業出其中。卽大文章亦莫能外。今士人本經業多鹵莽。他經猶不寓目。朝夕誦讀。惟是坊肆濫刻。何當施用。若能大其精神。研經味道。文采蘊藉。必有可觀。從今場中試卷。必全場能博涉經書。融會旨趣者。亟收之。其浮華不根。踈淺無味者。勿錄也。二曰。依傳。夫傳註爲六經羽翼。當年大儒若二程朱子蔡元定。胡安國陳深輩。皆精心理解。提要鉤玄。闡前聖之微奧。惠後學以梯航。聖祖頒文學宮爲程士法式。

各傳問經

是欲入門

而不驟言

也

書

諸士體其成言。自足發揮妙義。何乃明棄師說。踏空求奇。昂出徑而背周行。忽型范而幾躍治。悖違祖訓。侮棄前修。無怪一入仕途。輒多不軌不物。自今制義。必準傳註。其明爲背謬者。概勿收錄。三日切題。夫有題然後有制義。近日士人。全無體認。漫衍浮夸。掩卷讀之。不知何作。夫無儀的而妄射。雖中。絲毫不爲巧。無根底而敷華。卽炫。衆目。總爲妖服。官而不顧職業。營私而不顧身名。此生心害政之左驗也。自今試卷。必須切題闡發。有全不相蒙者。雖工弗錄。四日當體。

之體之壞
猶成賊其
四勝而號
爲人

辭取達意
而不以
富麗爲

其文正統卷之十一
書曰詞尚體要制義有體猶身有五官雖貴神俊而
位置不可顛越近日士子藐視矩矱恣意猖狂則顛
倒甚也限字有格而或泥濫浮滯冗至千餘則駢枝
甚也或題中虛字不過助語而牽纏不已則支離甚
也又案牘俚言漫入聖賢精語則猥鄙甚也至割裂
板扯恢張高大非其文義則荒唐甚矣凡皆體要不
存論閑蕩簡之先証也自今取士須準先輩法程達
者不得混收五曰達詞孔子曰辭達而已矣言貴達
意也易曰風行水上渙天下至大貴自然也沈約亦

云文有三易。句易讀。字易解。使事易知。近日有一種不可解。不可讀文字。實多暗澁不通。而耽僻者喜之。試觀唐虞三代。及漢唐宋諸大家。曾有此否。卽殷盤周誥。間近偃聲。說者猶謂出於伏生年老之說。況其後新莽援之。作大誥以欺世。夫新莽之心術不可學。新莽之文曷可學乎。自今爲文。惟取達意爲上。其晦澁不可方物者。必斥不錄。六曰讀史。夫各理具在六經。而行寔載諸列史。苟能廣搜博覽。考古知今。則事變糾紛。自能洞觀其要。故武侯云。才須學也。士人但

不讀綱目
不讀史記

不讀史記
不讀綱目

知塾師鉛塹。自廿散塞聰明。卽歷代史書。或難遍觀。盡識而通鑑綱目。何可不寓目經心。從今試卷。須遍閱二三場。必其洞晰古今。博雅成章者。方准收錄。若舛錯虛浮者。縱首场可觀。必勿許錄。七日革僞。夫書有真僞。肯趣自別。有識者何難鑒裁。自經書列史外。諸子百家。其可供文人薈撮者。儘多。近有一種僞書。淺俗猥庸。讀如嚼蠟。所載帝王周孔之言。不根經傳。無識之人。津津稱引之。凡以飭詐驚愚。誣民惑衆。其於真正莫大文章。反篋如也。葉周鼎而寶康匏。擲隨

此二節
意經讀
史三教之
內然非特
加甄別不
可

珠而憐魚目。此詐僞得售之象。豈盛世所宜有乎。自
今士子不防博極群書。而竄竊謬僞者必斥。八曰識
務。語云識時務者在乎俊傑。國家以文章取士。正欲
於毛穎間。覘其經濟。邇來士子。全副精神。祇寄首場。
至於後場。不過臨時轉砌。一切世務。原無講究。主司
鮮能留意真才。前場取中。如覓後場。前場偶落。後場
卽有賈董真才。何繇物色。士之騫浮華而闇定用。則
始進之路然也。自今取士。忝酌後場。其有練習藝典。
通曉時務。如天文地理。兵農禮樂。也。監鼓鑄律令。河

渠之類。能舉大議而中機宜者。卽前場不中亦亟收之。若虛謬無當。前場可觀亦弗錄也。夫文事必兼武備。斯時猶爲三年之艾。諸士中有能演習武書及百將傳而能發揮中窾者。猶當急收之。遠可備中樞簡鉞之選。近可資郡邑保障之材。在於遴擇者加之意云爾。

每言舉業一途絕無裨於天下國家者。以此爲功令者。實舉行則文章事業合而爲一。前輩諸名公歷歷可數也。後人襲取莊點與身心了無干涉。何

怪乎當官覆餗也詎以凌公之言當爲後世制科法
程不特一時名疏也

或曰參酌後場意非不切莫若舉三場而各殊其
編號三場通取者爲上二場合取者次之三場有
一取而文義稍長者又次之又閱文以三場爲主
二場次之首場又次之則真才出矣此論起予可
補凌公所未備

世文正統

卷之十一

八

